

University of Toronto  
c 760/6  
1960















古今歷代標題註釋十九史略通攷卷之三

前進士廬陵 曾 先 之 編次

松塢門人鄱陽竹窩余進宗海通攷

東漢

世祖光武皇帝名秀字文叔長沙定王發之後

也景帝生發發生春陵節侯買侯再三世徙封

以南陽白水鄉為春陵宗族往家焉南陽郡名屬湖南今

襄陽府○按買生戴侯熊渠生考侯買少

子外外生回回生南頓令欽欽生秀於南頓有

嘉禾一莖九穗之瑞故名○少令皆去聲穗音遂南頓邑名屬汝南





總禾穎也亦作穗

先是有望氣者望舂陵曰氣佳哉鬱

鬱葱葱然

鬱鬱葱葱言氣之條暢也

王莽改貨曰貨泉人以

其字為白水真人秀竟從白水起

石氏曰白水是泉字真人

是貨字蓋析字為識也故光武從白水鄉起兵以應識文

隆準日角受尚書

通大義

準音拙中骨起狀如日蓋相之貴者也

嘗過

蔡少公少公學圖讖言劉秀當為天子或曰國

師公劉秀乎秀戲曰何由知非僕邪

劉少去聲○

秀事王莽為國師士庶自稱曰僕

及新市平林兵起南陽騷動

宛人李通迎秀起兵

騷擾也

秀兄續字伯升慷慨

有大節常憤憤欲復社稷平居不事家人生業



傾資破產交結天下雄俊至是分遣親客發詣縣兵續自發春陵子弟皆恐懼亡匿曰伯升殺我及見秀絳衣大冠驚曰謹厚者亦復為之乃

自安

伯升殺我謂伯升必敗而我見殺也

○部署賓客招說諸帥

新市平林下江兵皆來會兵多無所統一欲立

劉氏從人望下江將王常等欲立續新市平林

將帥憚其威明遂立更始以續為大司徒秀為

將軍

說音稅下並同

秀徇昆陽定陵鄧皆下之

鄧音偃○昆陽

定陵二縣皆屬潁川鄧城縣屬許州

王莽遣王邑王尋大發兵平

山東以長人巨無霸為壘尉驅虎豹犀象之屬



以助兵勢號百餘萬旌旗千里不絕巨姓無諸霸名

將見兵盛皆走入昆陽欲散去秀至鄧定陵悉

發諸營兵自將步騎千餘為前鋒騎去聲尋邑

遣兵數千合戰秀奔之斬首數十級諸將曰劉

將軍平生見小敵怯今見大敵勇甚可恠也尋

邑兵却諸部共乘之連勝遂前無不一當百去當

聲○却退也乘之謂乘彼兵退而進擊之也秀與敢死者三千人衝

其中堅尋邑兵亂漢兵乘銳崩之遂殺尋中軍

精銳故曰中堅乘銳崩之謂乘我之銳而崩敗之也昆陽城中守者亦鼓

譟出中外合勢呼聲動天地莽兵大潰走者相



踐伏屍百餘里會大雷風屋瓦皆飛雨下如注

虎豹皆股戰溺死渚川者萬數關中聞之震恐

海內豪傑響應皆殺莽牧守自稱將軍用漢年

號旬月徧天下

呼應皆去聲渚丈理反○潰亂也注澆也股戰足股震也渚水

出南陽魯陽縣東北入海

續兄弟威名日盛更始殺續秀不

敢服喪飲食言笑惟枕席有涕泣處更始慙拜

秀大將軍封武信侯未幾以秀行大司馬事遣

徇河北所過除莽苛政吏民大悅爭持牛酒迎

勞秀皆不受

勞去聲後並同

南陽鄧禹杖策追秀及於

鄴秀曰我得專封拜生遠來寧欲仕乎禹曰不



願也但願明公威德加於四海禹得效其尺寸

垂功名於竹帛耳更始庸才帝王大業非所任

明公莫如延攬英雄務悅民心立高祖之業救

萬民之命天下不足定也秀大悅令禹常宿止

於中興定計議

攬音覽○南陽府名屬河南非

拜封侯拜將也尺寸者謙言

尺寸短才也不足定言易也

邯鄲卜者王郎詐

稱成帝子子輿入邯鄲稱帝徇下幽冀州郡響

應

幽州名屬北平今大興府是

秀北徇薊上谷

太守耿况子弇馳至盧奴上謁秀留署長太史

曰是我北道主人也

薊音計弇音言長上聲○



郡廬奴亦州名屬定州道引導也時薊城反應

王郎秀趣出城晨夜南馳至蕪婁亭馮異上豆

粥至饒陽之食至下曲陽聞王郎兵在後趣促同婁

音問○蕪婁亭在深州饒陽縣屬晉州曲陽縣屬保定至滹沱河候吏還

白河水流漸無船不可濟秀使王霸視之霸恐

驚衆還即跪曰冰堅可渡遂前至河冰亦合乃

渡未畢數騎而冰解陳音呼沱音陀漸音斯○

鹵城東流與易水合至文安縣入海候吏至南

宮遇大風雨入道旁空舍馮異抱薪鄧禹爇火

秀對竈燎衣異復進麥飯○藝如旁反復扶又反



熨燒也  
燎灸也

至下博城西惶惑不知所之有白衣老

人指曰努力信都為長安城守去此八十里秀

即馳赴之

下博鎮名在深州靜安縣時更始都  
長安獨信都太守不肯降王郎故謂

其為長安  
城守也

時郡縣皆已降王郎獨信都太守任

光和戎太守邳彤不肯光聞秀至大喜彤亦來

會發旁縣得精兵移檄討王郎郡縣還復響應

邳音不彤音  
容應去聲

秀引兵拔廣阿披輿地圖指示鄧

禹曰天下郡縣如是今始得其一子前言不足

定何也禹曰方今海內殺亂人思明君猶赤子

慕慈母古之興者在德厚薄不在大小也

廣阿  
縣名



屬鉅鹿地象車輿載也耿弇以上谷漁陽兵行

定郡縣會秀於廣阿進拔邯鄲斬王郎得吏民

與郎交書數千章秀會諸將燒之曰令反側子

自安反側子謂反叛秀部分吏卒皆言願屬大

樹將軍謂馮異也為人謙退不伐諸將每論功

異常獨屏樹下故有此號屬音竹屏音丙○部

附也伐誇功也屏退也更始遣使立秀為蕭王令罷兵耿

弇說王辭以河北未平不就徵使去聲王擊銅馬

諸賊悉破降之諸將未信降者降者亦不自安

王敕各歸營勒兵自乘輕騎案行諸部降者相



語曰蕭王推赤心置人腹中安得不效死乎悉

以分配諸將南徇河內語去聲推音吹○銅馬當時賊號也河內郡名

屬河東今懷孟府赤眉西攻長安王遣將軍鄧禹將兵

入關禹薦寇恂文武備具有牧民御衆之才使

守河內恂音荀御治也王自引兵徇燕趙擊尤來大槍

等賊盡破之槍音鏘○尤來大槍皆當時之賊號也王還至中山

諸將上尊號不許至南平棘固請又不許耿純

曰士大夫捐親戚棄土壤從大王於矢石之間

固望攀龍鱗附鳳翼以成其所志耳今留時逆

衆恐望絕計窮則有去歸之思大衆一散難可



復合馮異亦言空從衆議中音仲捐音素○中

棘縣名屬趙州捐棄也會儒王彊華自關中奉赤伏符來

曰劉秀發兵捕不道四夷雲集龍闡野四七之

際火為主野叶上與反○集覽曰彊華人姓名識緯書曰符赤伏其符名也赤火色

漢野尚也伏藏也龍闡謂羣雄角力也易曰龍戰于野是也四七二八也自高祖至光武初

起合二百二十八將皆應四七之數火為主言火德起兵又二十八將皆應四七之數

當興也羣臣因復請乃即皇帝位於鄴南大赦改

元建武鄴音編邑名屬定州鄴南者鄴邑之南也

石氏曰更始雖庸才南面之君也光武雖豪

傑北面之臣也更始未亡而光武先立是叛



君也

愚謂更始雖君而柔懦無為遊燕無度加以諸將暴橫億兆離心其亡可立而待也光武以帝室之胄才明勇略中外屬心苟不早正位號以收衆望則社稷為他人有也必矣蓋當此之時社稷為重君為輕即位於鄒南者所以為社稷計也何叛之有哉故綱目於其起兵也書興復帝室於其即位也書即皇帝位則其予之意可見矣學者宜玩心焉

赤眉樊崇等立宗室劉盆子為帝年十五時在



軍中主牧羊被髮徒跣敝衣赭汗見衆拜恐懼

欲啼

盆子故武侯萌之子也步行賊入長安更

始出奔帝下詔封為淮陽王未幾降赤眉為所

殺

為所為聲

宛人卓茂嘗為密令教化大行道不

拾遺上即位先訪求茂以為太傅封褒德侯密縣

名屬鈞州

司馬公曰光武即位之初羣雄競逐四海鼎

沸彼擁堅陷敵之人權略詭辯之士方見重

於世而獨能取忠厚之臣旌循良之吏拔於

草茅之中置諸羣公之首宜其光復舊物享



祚父長蓋由知所先務而得其本原故也

車駕入洛陽遂都之○關中未定鄧禹引衆而

西號百萬所至停車駐節勞來百姓垂髻戴白

滿車下名震關西至拘邑久不進兵赤眉大掠

而去禹乃入長安赤眉復入禹戰不利徵還京

師勞來皆去聲拘音旬復扶又反髻音迢○髻

小兒髮也言垂髻髦之童子戴白髮之老人拘邑屬鎮原遣馮異入關禹慙無功要異求攻

赤眉大戰於回溪敗績收散卒堅壁已而大破

赤眉於崤底璽書勞異曰始雖垂翅於回溪終

能奮翼於澗池可謂失之東隅收之桑榆邀與同



勞去聲○回溪在弘農澠池縣北峻山名底猶

下也一名嶽岑山在澠池縣西鳥垂翅則降喻

敗也奮翼則舉喻勝也隅角也日出必自東隅

喻早也桑榆日入處喻臨也淮南子曰西日垂

桑榆是也赤眉餘衆東向宜陽上勒兵待之

樊崇以劉盆子及丞相徐宣等肉袒降上陳軍

馬令盆子君臣觀之謂曰得無悔降乎宣叩頭

曰去虎口歸慈母誠歡誠喜無恨上曰卿所謂

鐵中錚錚庸中佼佼者也各賜田宅錚初耕反

○睢陽人斬劉永以降永在響貌佼佼好貌

更始時立為梁王更始亡永稱帝至是敗睢陽郡名

屬河南今

○漁陽太守彭寵奴斬寵來降初上



討王郎寵發突騎轉糧不絕自負其功意望甚

高不能滿幽州牧朱浮與書曰遼東有豕生子

白頭將獻之道遇羣豕皆白以子之功論於朝

廷遼東豕也上徵寵寵自疑遂反至是敗騎去聲

音潮後並同○男使曰奴突騎師劉永所立齊

王張步降上初以步為東萊太守已而受永命

王齊將軍耿弇屢戰大敗之拔祝阿濟南臨菑

車駕至臨菑勞軍謂弇曰將軍前在南陽建大

策嘗以為落落難合有志者事竟成也步敗齊

地悉平王齊之王去聲○東萊郡名屬山東今萊州是祝阿邑名屬東平濟南縣名屬



益郡落落○將軍吳漢等擊斬劉永所立海西

王董憲及叛將龐萌等江淮山東悉平時淮隗

囂公孫述未平上積苦兵間謂諸將曰且當置

此兩子於度外耳置捨棄也○馮異自長安入朝上

謂公卿曰是我起兵時主簿也為吾披荆棘定

關中詔勞異曰倉卒蕪婁亭豆粥滹沱河麥飯

厚意久不報為勞皆去聲卒倉卒反○披開也

意遷之○建武八年帝自將征隗囂意穎川盜起帝

還宮謂執金吾寇恂曰穎川迫近京師獨卿能

平之耳從九卿復出可也恂勸上親征賊悉降



恂竟不拜郡。百姓遮道曰：「願從陛下借寇君。」

一年，乃留恂鎮撫，受納餘降，大軍不戰而還。金執

吾官名，蓋九卿之屬。言恂已為執金吾，九卿之貴從此復出，為郡守可也。除官曰拜。言拜恂。

為守恂竟辭謝。○九年，隗囂死，囂自更始初起，不肯受命也。

兵至建武，初據天水，自稱西州上將軍。天水郡名，即秦

州。後嘗遣馬援往成都觀公孫述，援與述舊謂

當握手，懽如平生。時述已稱帝，四年矣。援既至，

盛陳陛衛以迎。援。馬援字文淵，扶風茂陵人。援

謂其屬曰：「天下雌雄未定，公孫子不吐哺迎國，

士反脩飾邊幅，如偶人形，此何足久稽？天下士



乎雌雄未定言勝負未決也脩飾邊幅謂因辭

歸謂囂曰子陽井底蛙耳而妄自尊大不如專

意東方子陽述字也井底蛙語出莊子言其所見者小也專意東方謂西事述不如東

武事光囂乃使援奉書雒陽初到良久即引入上

在殿廡下岸幘迎笑曰卿遨遊二帝間今見卿

使人大慚廡音武○維即洛字光武以漢火德為水克火故去水而從維也岸歌也

幘中幘也援頓首曰當今非但君擇臣臣亦擇君臣

與公孫述同里開少相善臣前至蜀述陞戟而

後進臣臣今遠來陞下何知非刺客姦人而簡

易若是謂開音汗少易皆去聲○里門曰開陞戟陳列榮戟於階陞之下以為儀衛也



簡易簡略

上笑曰卿非刺客顧說客耳

說音稅下同謂

遊說之

援曰天下反覆盜名字者不可勝數今

見陛下恢廓大度同符高祖乃知帝王自有真

也

勝音升數上聲○反覆言不定也盜名字謂羣雄僭號也不可勝數言多也符合也援

歸囂問東方事援曰上才明勇略非人敵也且

開心見誠無所隱伏闊達多大節略與高祖同

經學博覽政事文辯前世無比

略節操也

囂曰卿

謂何如高帝援曰不如也高帝無可無不可今

上好吏事動如法度又不喜飲酒

好去聲○不

亦不如也無可無不可只是猖狂自恣之意觀其弱冠嫚儒彭城置酒高會等事可見囂



不懌曰如卿言反復勝耶

懌音亦悅也反復勝者言光武開心見誠

闊達多大節不如高祖之寬仁大度也高祖無可無不可又不如光武之經學博覽動如法度

不喜飲遣子入侍未幾反囂嘗問班彪以戰國

從橫之事彪作王命論以風之囂不聽彪從音休

宗論風皆去聲○從橫說見戰國趙馬援詣行魏紀王命論詳見通鑑建武五年

在上復使遊說仍自賜囂書囂竟臣於公孫述

述立囂為朔寧王上征囂援在上前聚米為山

谷指畫形勢開示軍士所從徑道上曰虜在吾

目中矣遂進軍囂奔西城病餓恚憤而死子純

降隴右悉平恚音惠○天子車駕所幸之次○



十二年公孫述亡述茂陵人自更始時據蜀稱  
帝國蹕成上既平隴右曰人苦不自足既得隴  
復望蜀遣大司馬吳漢等將兵會征南大將軍  
岑彭伐蜀彭在荊門裝戰船漢欲罷之彭不可  
上報彭曰大司馬習用步騎不曉水戰荊門之  
事一惟征南公為重而已彭戰船並進所向無  
前述使盜刺殺彭吳漢繼進至成都擊殺述蜀  
地悉平騎去聲○荊門州名屬湖北步軍謂步軍  
騎謂馬軍言吳漢習用步軍馬軍不諳  
水戰荊門之事盡○涼州牧竇融率河西武威  
當歸重於岑彭也張掖酒泉燉煌金城五郡太守八朝融自建武



初據河西後遣使奉書上以為收賜璽書曰議者必有任囂教尉佗制七郡之計書至河西皆驚以為天子明見萬里之外上征隗囂融率五郡兵與大軍會至是奉詔歸朝拜冀州牧煨音佗音沱○涼州屬甘肅即武威郡今永昌府張掖今甘州酒泉今肅州府燉煌今沙州並屬甘肅金城今蘭州屬鞏昌七郡蒼梧鬱林合浦交趾九真日南南海也秦二世時南海尉任囂病革召趙佗教以制七郡之謀曰聞劉項起兵中國擾亂且南海東海數千里可以立國即以佗行南海尉事先是隗囂說竇融曰當各據土宇隴蜀合從高可為六國下不失尉佗融不從至是璽書言之故○十八年代王盧芳死於匈奴芳河西皆驚也

安定人詐稱武帝曾孫劉文伯自建武初據安



定匈奴迎之立為漢高數為邊郡寇患後來降

王于代復反奔匈奴以病死

數音朔○安定郡名今鳳翔府是也

○二十二年匈奴求和親許之自呼韓邪單于

死于成帝時其後累世皆仕漢平帝時王莽領

條於匈奴謂中國無二名諷單于改名莽慕漢

易漢所賜單于璽曰章單于怨恨數寇邊建武

以來匈奴助盧芳寇漢後又數與烏桓鮮卑連

兵入寇至是始請和

數音朔○頒條頒降條例二字名也璽以王

為之章以銀為之易璽曰章是輕之也烏桓鮮卑並東夷國名

○西域復請都

護不許遂附於匈奴先是莎車王賢鄯善王安



皆遣使奉獻賢使再至上賜賢都護印綬邊郡  
守上言不可假以大權詔收還更賜大將軍印  
賢恨猶詐稱大都護諸國悉服屬賢驕橫欲兼  
并西域句諸國懼凡十八國遣子入侍願得漢  
都護上厚賜遣還其侍子至是復請上復却之

鄯音善更平聲屬音竹橫去聲○莎車鄯善並西域國名

班固曰孝武之世圖制匈奴患其兼從西域  
結黨南羌乃表河曲列四郡開玉門通西域  
以斷匈奴右臂隔絕南羌月氏單于失援由  
是遠遁而漠南無王庭矣然通西域近有龍



堆遠則葱嶺身熱頭痛懸度之阨淮南杜欽  
楊雄之論皆以為此天地所以界別區域絕  
外內也西域諸國皆有君長兵衆分弱無所  
統一雖屬匈奴不相親附匈奴能得其馬畜  
旃罽而不能統率與之進退與漢隔絕道里  
又遠得之不為益棄之不為損盛德在我無  
取於彼故自建武以來西域思漢威德咸樂  
內屬數遣使置質于漢願請都護聖上遠覽  
古今因時之宜辭而未許雖大禹之序西戎  
周公之讓白雉太宗之却走馬義無之矣



二十四年匈奴南邊八部立日逐王北為南單

于款漢塞內附於是分為南北匈奴此此至反

匈奴貴王之號此其名也款塞說見景帝紀○二十五年貊人鮮卑

烏桓並入朝貊音陌夷國名○二十六年立南單于

庭匈奴置使匈奴中郎將以領之徙南單于居

西河美稷使去聲○西河郡名屬山○二十七

年北匈奴亦遣使求和親不許明年又請許之

使去聲○中元二年帝崩葬原陵上起兵時年二

十八即位年三十一第五倫每讀詔書嘆曰此

聖主也一見決矣第五姓手書賜方國一札十



行細書成文

行音杭○手書親手書也方明慎國四方諸侯國也札簡札也

政體總覽權綱量時度力舉無過事

鐸度音嘗幸

南陽置酒會宗室

句諸母相與語曰文叔平日

與人不款曲惟直柔耳乃能如此上聞之笑曰

吾理天下亦欲以柔道行之

天子車駕所至之處臣民皆以為僥

倖故曰幸諸母伯叔母也款曲款盡私曲也

胡氏曰君道則天而不可過於剛故不耀威

武不峻刑誅謙抑以受言溫恭以接下所以

濟其剛也臣道則地而不可過於柔故不為

利回不為祿徙君不義則必爭道不合則必



去所以濟其柔也此所謂天道下濟地道上  
行上下交而其志通君臣之理正光武之謂  
也

上在兵間久厭武事蜀平後非警急未嘗言軍  
旅北匈奴衰困臧宮馬武上書請攻滅之鳴劔  
抵掌馳志於伊吾之北矣上報書告以黃石公  
包桑記曰柔能勝剛弱能勝強自是諸將莫敢  
言兵閉玉門關謝絕西域抵掌猶言拍手也伊吾城名在瓜州晉昌縣北包桑記蓋張良圯上所受之書也王門關在燉煌西界保全功臣不復  
任以兵事皆以列侯就第以吏事責三公亦不



以功臣任吏事諸將皆以功名自終集覽曰吏事責三公

謂以太尉司空公掌四方兵事司徒公掌人民孝悌

謙儉事司空公掌水土營城邑浚溝洫脩墳坊

事也光武盡侯諸將不任以事俾祭遵先卒上

念之不巳姓祭音債來歙岑彭死鋒鏑卹之甚厚

歙曰吸揖二音鏑音的卹恤同○兵吳漢賈復終

於帝世漢在軍或戰不利意氣自若上嘆曰吳

公差強人意隱若一敵國矣每出師朝受詔夕

就道及卒上臨問所欲言漢曰臣愚願陛下慎

無赦而已集覽曰意氣自若言不驚恐也差猶

敵國之強也



唐太宗曰赦者小人之幸君子之不幸也夫  
養稂莠者害嘉穀赦有罪者害良善故朕不  
欲數赦恐小人恃之輕犯憲章吳漢諫光武  
無赦亦此意也

復自起兵時為督上曰賈督有折衝千里之威  
嘗戰被傷上驚曰吾嘗戒其輕敵果然失吾名  
將聞其婦有孕生子邪我女嫁之生女邪我子  
娶之其撫羣臣每如此折衝摧折  
衝突也惟馬援卒之

日恩意頗不終焉援嘗曰大丈夫當以馬革裹  
尸安能死兒女手裹音果  
色也交趾反援以伏波將



軍討平之武陵蠻反援又請行上愍其老援被

甲上馬據鞍顧眄以示可用上笑曰矍鑠哉是

翁乃遣之

矍音脚○武陵郡名屬湖廣今常德府周為蠻蛇所居愍憐也矍鑠輕健

貌先是上壻梁松嘗候援拜床下援自以父友

不答松不平

候謂省問也拜床下則敬之至也

援在交趾嘗遺

書戒其兄子曰吾欲汝曹聞人過如聞父母名

耳可聞口不可言

兄子謂馬嚴馬敦並喜譏議而通輕俠客故援遺書戒之

也好議論人長短妄是非政法不願子孫有此

行也

好行皆去聲○海虞吳氏訥曰好議論人長短則招怨惡妄談國家政法則犯憲章

龍伯高敦厚周慎謙約節儉吾愛之重之願汝



曹效之

吳氏訥曰伯高名述冀京兆人仕至零陵太守敦厚敦篤而重厚周慎周密而

謹

慎謙約節儉則不為驕奢

與好杜季良豪

俠好義憂人之憂樂人之樂清濁無所失父喪

致客數郡畢至吾愛之重之不願汝曹效之也

好去聲樂音洛○吳氏曰季良名保亦京兆人仕至越騎司馬豪俠好義故能憂人憂而樂人

樂矣清濁無所失故父喪致客而數郡畢至效矣此正通輕俠客之事故不欲其效之也

伯高不得猶為謹勅之士所謂刻鵠不成尚類

鶩也效季良不得陷為天下輕薄子所謂畫虎

不成反類狗也

鶩音木○吳氏曰謹勅謂能脩檢輕薄謂不厚重鵠鶩皆鳥而

略相似虎狗皆獸而大不同故刻鵠類鶩人猶以為非畫虎類狗則爭笑侮而辱矣終篇以此



深設喻之所也季良者杜保也保仇人上書告保以

援書為證保坐免官松坐與保游幾得罪愈恨

援聲幾平至是援軍至壺頭不利卒軍中松構陷

之追收新息侯印綬壺頭山名在辰州阮陵縣東構陷謂結構以陷之於

罪援前在交趾嘗餌薏苡以輕身勝瘴氣軍還

載之一車後有追譖之者以為明珠文犀上益

怒得朱勃上書訟其冤乃稍解○餌音二勝音升

藥名似黍差大味甘微寒主風濕瘴下氣久服則輕身延年勝當也文犀犀角之有文者也

胡氏曰光武平日料敵制勝明見萬里之外

乃於此舉屢失事宜得非春秋既高智有所



困邪不然有臣如援而不保令終其為君德之累豈小小哉

上於賊罪無所貸大司徒歐陽歙嘗犯賊歙所授尚書弟子千餘人守闕求哀竟不免死於獄

也賦音庄賄賂也所用羣臣如宋弘等皆重厚正直

上姊湖陽公主嘗寡居意在弘弘入見主坐屏

後上曰諺言貴易交富易妻人情乎弘曰貧賤

之交不可忘糟糠之妻不下堂上顧主曰事不

諧矣見音現諺音彥○意在弘欲嫁之也諺俗語也易改換也糟糠謂貧而食糟糠也不

下堂謂不忍出主有蒼頭殺人匿主家吏不能



得洛陽令董宣候主出行奴驟乘叱下車格殺  
之主入訴上大怒召宣欲捶殺之宣曰縱奴殺  
人何以治天下臣不須捶請自殺即以頭叩楹  
流血被面上令小黄門持之使叩頭謝主宣兩  
手據地終不肯上敕強項令出賜錢三十萬乘令  
強皆去聲○宣字少平陳留人如曰蒼頭候伺  
也捶擊也小黄門宦官也以其不屈伏故敕曰  
強項當時州牧郡守縣令皆良吏令去聲郭伋  
守潁川近帝城上勞之曰河潤九里京師蒙福  
勞去聲杜詩守南陽郡人為之語曰前有召父後  
有杜母為去聲下為之同○召公召信臣也宣  
帝時守南陽杜母即杜詩言二子皆足



利以為民之父母也按詩政治清平興張堪守漁

陽郡人為之語曰桑無附枝麥穗兩歧張君為

政樂不可支岐音其樂音洛○漁陽郡名今蘄

兩歧謂一莖兩穗也支度也按堪視事八年句

如不敢犯塞勸民耕稼以致殷富故郡人語曰

云劉昆為令江陵有火叩頭向之反風滅火後

守弘農虎北渡河上問行何德政而至是昆曰

偶然耳上曰長者之言也命書之策長上聲○

屬江陵府弘農郡名屬河南今陝州策史籍也尤重高節徵處士周黨

至不屈伏而不謁或奏詆之上曰自古明王聖

主必有不賓之士賜帛罷之處音杵詆音底○尤最也重敬也高



節謂清高節義之士也士未仕處士也猶女未嫁曰處子也詆訾辱之也不賓謂不可賓服也

處士嚴光與上嘗同游學物色得之齊國披羊

裘釣澤中徵至亦不屈上與光同卧以足加帝

腹明日太史奏客星犯御座甚急上曰朕與故

人嚴子陵共卧耳拜諫議大夫不肯受去耕釣

隱富春山中終句漢世多清節士自此始光字子陵

小字狂奴富春人物色謂圖畫其人物容色以訪求之也富春山在富陽縣西

高平范氏曰非光武不能遂子陵之高非子

陵不能成光武之大也

胡氏曰自古人君待遇臣下其禮雖一然嚴



威儼恪常施於爪牙甲冑之士以折其驕悍  
難使之氣柔巽謙屈常施於林壑退藏之士  
以厲其廉靖無求之節故能駕馭人才表正  
風俗反是道者難乎免於亂亡之禍矣

方天下未平上已有志文治首起太學稽式古

典脩明禮樂晚歲起明堂靈臺辟雍粲然文物

可述

稽考式法也明堂大享朝會之所靈臺占天文望祲祥之所辟雍大射行禮之所辟

與璧同蓋四面水環如璧以節觀者故名

每旦視朝日昃乃罷數引

公卿郎將講論經理夜分乃寐皇太子乘間諫  
曰陛下有禹湯之明而失黃老養性之道上曰



我自樂此不為疲也

數音朔間去聲又如字樂音洛○日向西曰景經理

六經之義理也夜分半夜也黃老黃帝老子也

在位三十三年身致太

平改元者二曰建武中元壽六十二太子立是

為顯宗孝明皇帝

謚法照臨四方曰明

史斷曰光武膺受命之符起兵春陵興復帝

室鏖戰昆陽人服其武司隸入洛人服其度

持節渡河人服其德此三者中興之本也故

能克復宗社不改舊物即位之後首以卓茂

為太傅封褒德侯而當世多循吏天下略定

即起太學親臨視之而東都盛儒學徵三處



士而末造多節義之士其所以祀漢配天以垂二百年之基者實在於此然以私愛廢皇后太子聽讒言收新息侯印綬信圖讖竟事封禪此三者不能不為盛德之累至其加恩廢后母子親黨則又後世人主所難能也

**孝明皇帝**

初名陽母陰氏光武微時嘗曰仕宦

當作執金吾娶妻當得陰麗華後竟得之

微賤也吾

牙音

生陽幼穎悟光武詔州郡檢覈墾田戶口

諸郡各遣人奏事見陳留吏牘上有書視之云潁川弘農可問河南南陽不可問光武詰吏由



抵言於街上得之光武怒陽年十二在幄後曰

吏受郡敕欲以墾田相方耳河南帝城多近臣

南陽帝鄉多近親田宅踰制不可為準句以詰

吏首服光武大奇之

詰臣吉反首去聲○檢察也覈考也墾開也墾簡也

書字也不可問謂二郡田宅踰制不可得而理問也由因也抵言猶云托辭也方比也首服謂

首其非而郭皇后及太子彊廢陰貴人立為后

陽為皇太子改名莊至是即位

貴人宮中女官名

○永

平二年臨辟雍行養老禮以李躬為三老桓榮

為五更三老東面五更南面上親袒割牲執醬

而饋執爵而醕禮畢引榮及弟子升堂諸儒執



經問難冠帶搢紳之人園橋門而觀聽者億萬

數計

凡養老五帝憲三王有乞言是也宋均曰

三老老人知天地人之事者五更老人知五行之更代者鄭康成曰老人知三德五事者二說未其孰是袒露臂也爵鳥名象其形以為酌器取其能飛而不弱於酒也酌酒漱口也園圍遠也辟雍四面皆水四出為橋橋各有門以節觀者

胡氏曰明帝尊師重傅臨雍拜老可謂人主之高致盛節也惜乎桓榮等授經專門章句不知聖賢脩齊治平之微旨大義故其君德業如是而已若使子思孟子之徒遭遇此時得行所學則二帝可三而三王可四也必矣



三年圖畫中興功臣二十八將於南宮雲臺應

二十八宿鄧禹為首次馬成吳漢王梁賈復陳

俊耿弇杜茂寇恂傅俊岑彭堅鐔馮異王霸朱

祐任光祭遵李忠景丹萬續蓋延邳彤鮑期劉

植耿純臧宮馬武劉隆惟馬援以皇后之父不

與焉應與皆去聲鐔音尋祭音債蓋古盍反邳

八宿謂角亢氐房心尾箕斗牛女虛危室壁奎婁胃昂畢觜參井鬼柳星張翼軫也

愚按二十八將以為上應二十八宿其理有

無未可知然咸能抒其忠誠奮其勇智以成

佐命之功亦可謂名世者矣圖形雲臺以表



其元勲不亦宜乎

十二年東平王蒼來朝蒼自上即位初為驃騎將軍五年而歸國至是入朝上問處家何以為

樂蒼曰為善最樂

朝音潮騎去聲處上聲樂音洛○蒼光武之第三子也

○十七年復置西域都護戊巳校尉

陳氏曰戊巳校尉官

名以其無常治處如戊巳之土寄旺於四季故有是名一說以其居西域之中而鎮撫諸國亦

猶戊巳居中而通初耿秉請伐匈奴謂宜如武帝

通西域斷匈奴右臂上從之以秉與竇固為都

尉屯涼州

斷音短○吳氏曰西域在匈奴右若漢與西域通則匈奴失助如折其右

也手固使假司馬班超使西域超至鄯善其王禮



之甚備及匈奴使來頻踈懈超會吏士三十六

人曰不入虎穴不得虎子奔虜營斬其使及從

士三十餘級鄯善一國震怖超告以威德使勿

復與虜通○使假使少之使如字懈音介從去聲

急也言鄯善王敬禮班超甚備及匈奴使超復

使于寘其王亦斬虜使以降於是諸國皆遣子

入侍西域復通寘音田○于至是竇固等擊車

師而還以陳睦為都護及以耿恭為戊校尉關

龍為已校尉分屯西域龍音○十八年北匈奴

攻戊校尉耿恭擊却之初上即位之明年南



單于比死弟莫立上遣使授璽綬北匈奴寇邊

南單于擊走之漢與北匈奴交使南單于怨欲

畔密使人與交通古漢置度遼將軍於五原以

防之使人之使如字○五原郡名屬勝州今連谷縣已而漢伐北匈奴

北匈奴亦寇邊至是攻恭於金蒲城恭以毒藥

傅矢語匈奴曰漢家箭神中者有異虜視創皆

沸大驚恭乘暴風雨擊之殺傷甚衆匈奴震怖

曰漢兵神真可畏也乃解去傳音付語中皆去聲○金蒲城在西

域傳塗也創瘡同傷也沸煮水躍貌○帝崩在位十八年改元者

一壽四十八上性徧察好以耳目隱發為明公



卿大臣數被詆毀近臣尚書以下至見提曳嘗

怒郎藥崧以杖撞之崧走入床下上怒甚疾言

曰郎出郎出崧曰天子穆穆諸侯皇皇未聞人

君自起撞郎乃赦之

編音扁好去聲數音朔崧息中反○編狹也急也隱

猶密也言好以耳聞目見密地數人陰私為上明也郎官名穆穆深遠之意皇皇敬畏之貌

遵奉建武制度無更變后妃家不得封侯預政

館陶公主為子求郎二曰郎官上應列宿出宰

百里苟非其人民受其殃

更音庚為應皆去聲○預干也縣令曰郎

當時吏得其人民樂其業遠近畏服戶口滋殖

焉

樂音洛殖音植生也

太子立是為肅宗孝章皇帝

謚法溫克



合儀  
曰章

愚按明帝垂髻頽異能察事情及其即位首  
崇儒術臨雍拜老橫經問難宗戚子弟莫不  
受學三代以還教化之義未有過於斯時者  
也尤善刑理法令明日晏視朝幽枉必達  
在上無矜大之色内外無倖曲之私斷獄得  
情彌居前代十二又能遵奉建武舊章無所  
更變后妃之家不得封侯預政公主之親不  
許為子求郎是以官得其人民安其業遠近  
肅服戶口滋殖焉然提曳近侍而君人之度



未弘窮兵遠夷而邊戎之釁徒構遣使求西  
蕃之妖佛開中國萬世蠹財害政之禍殃可  
勝惜哉

**孝章皇帝**

名烜母賈氏馬皇后養之立為太子

至是即位

烜兄遠反或作烜

○西域攻沒都護北匈奴

圍已校尉又圍耿恭詔罷都護及戊巳校尉官

惟班超上疏請兵遂欲平西域上知功可成從

之

沒猶陷也

○北匈奴五十八部來降時北匈奴衰

耗黨衆離畔南部攻其前丁零侵其後鮮卑擊  
其左西域攻其右不復自立乃遠引而去鮮卑



擊斬北單于故部衆有來降者

零音連○南部南匈奴部落也

丁零北狄種名在康居

○帝崩在位十三年改元者三曰

建初元和章和壽三十一上繼明帝察察之後

知人厭苛切事從寬厚文之以禮樂

察察煩碎貌老子曰

其政察察是也

嘗議貢舉法韋彪議曰國以簡賢為務

賢以孝行為首求忠臣必於孝子之門上然之

廬江毛義以行義稱張奉候之府檄適至以義

守安陽令義奉檄入喜動顏色奉心賤之後義

毋卒徵辟皆不至奉乃嘆曰往日之喜為親屈

也上下詔褒寵之

行令為皆去聲○廬江國名在廬州檄薦剡也安陽縣名



今宋州楚丘縣是也按漢制郡守得州郡得人

如廉范在蜀都弛禁以便民民歌之曰廉叔度

來何暮不禁火民安作昔無襦今五袴作則護

都即成都府叔度廉范字也通鑑成都民物豐

盛邑宇逼窄舊政禁民夜作以防火災范削此

以為便故歌之云云當時皆以平徭簡賦忠

恕長者為政終上之世民賴其慶徭音遙役也長上聲太

子立是為孝和皇帝謚法不剛

史斷曰孝章繼明帝察察之後承之以寬大

聽揚終諫而罷西域之戍用陳寵言而除嚴

刻之刑輕徭薄賦與民休息勸課農桑明慎



選舉進柔良而退貪猾順時令而理冤獄雅  
好文章褒崇儒術史稱長者不亦宜乎然過  
於寬柔不能濟之以剛竇憲奪公主園此外  
戚專恣之漸也卒不能正其罪竇后譖廢太  
子亦宮闈害政之端也卒不免陷其說東漢  
之衰基於此矣

**孝和皇帝**名肇母梁氏竇皇后子之年十歲即  
位竇后臨朝竇憲以外戚侍中用事有罪求出  
擊北匈奴以自贖后從之大破匈奴登燕然山  
刻石勒功而還入為大將軍父子兄弟並為卿



校充滿朝廷有逆謀上知之遂與宦者鄭眾定  
議勒兵收憲印綬迫令自殺以眾為大長秋常  
與議政宦官用權自此始宣朝平聲○燕然山在  
德府卿校公卿將

校也

胡氏曰竇氏根據已生逆謀誠欲誅之未易  
舉手和帝年纔十四乃能選用私臣密求故  
事勒兵收捕中外肅清足以繼孝昭之烈矣  
所可恨者三公不預大政而鄭眾有功由是  
宦者用權馴至亡漢可勝痛哉

先是漢兵擊北單于走死漢立其弟後叛追斬



滅之鮮卑徙據北匈奴地自此漸盛○徵班超  
還京師超起自書生授筆有封侯萬里外之志  
有相者謂曰生燕頤虎頭飛而食肉萬里侯相  
也相去聲頤五感反○頤下曰頤言其頤如燕頭如虎也自假司馬入西

域章帝時為西域將兵長史至上以超為西域

都護騎都尉平定諸國在西域三十年以功封

定遠侯至是以年老乞歸願生入玉門關上許

之將騎皆去聲長上聲任尚代為都護請教超曰君性嚴

急水清無大魚宜蕩佚簡易尚私謂人曰我以

班君當有奇策今所言平平耳尚後果失邊和



如超言

揚雄傳蕩佚音上在位十七年改元者

二曰永元元興太子立是為孝殤皇帝

謚法短折不成

殤曰

史斷曰孝和以幼冲之資嗣守大業年才十四而能慨然獨斷芟除大憝使朝廷肅清宮闈寧晏遠紹昭帝之烈何其明哉竇憲誅後又能躬總萬機威權不失發倉廩以周不給弛苑囿以假貧民優禮賢臣克納直諫是以內則生民歲增拓土日廣外則北空朔庭西通重譯方之章帝或者過之惜其誅憲之時



不與大臣計事而與刑臣決謀以致宦豎弄權卒亡漢室後之言治亂者每於斯而太息焉自是以來漢統屢絕大抵皆以諸侯王入繼多是幼冲所以然者蓋由權在外戚宦官利於立昏故也

**孝殤皇帝**

名隆生百餘日即位改元延平在位

八閱月而崩時皇太后鄧氏臨朝與鄧騭定策

立嗣是為孝安皇帝

閱越同逾也騭音只太后兄也謚法寬容和平曰安

孝安皇帝名祐清河王慶之子章帝孫也未冠

迎即位鄧后仍臨朝鄧騭為大將軍

冠去聲禮男子二十



冠而時邊郡多事隲欲棄涼州并力北邊郎中虞  
詡以為不可曰關西出將關東出相烈士武夫  
多出涼州衆皆從詡議許音隲惡詡欲陷之會  
朝歌賊攻殺長吏州郡不能禁以詡為朝歌長  
故舊皆吊之詡曰不遇盤根錯節無以別利器  
及到官募壯士攻劫者為上傷人偷盜者次之  
收得百餘人使入賊中誘令劫掠伏兵殺數百  
人又潛遣貧人能縫者傭作賊衣以綵線縫其  
裾有出市里者輒禽之賊駭散縣境皆平惡去聲朝  
如字長上聲別彼列反○朝歌邑名屬衛輝吊  
唁也盤屈錯雜也言盤屈之樹根交錯之木節



非利器不能斷之也誘引導也以賊誘賊亦太

用兵之術也潛猶密也傭賃力也後襟曰裾太

后知詡有將帥之略以為武都太守叛羌數千

遮詡詡停不進宣言請兵須到乃發羌聞之分

鈇傍縣詡因兵散日夜進道令軍士各作兩竈

日增倍之鈇楚交反武都郡名屬鞏昌今階

也須待也或曰孫臏減竈而君增之兵法日行

不過三十里而今日且二百里何也詡曰虜衆

多吾兵少徐行易為所及速進則彼所不測虜

見吾竈日增謂郡兵來迎衆多行速必憚追我

孫臏見弱吾今示強勢不同也易為皆去聲見



也及追既到郡兵三千而羌萬餘攻圍赤亭句

數十日詔命強弩勿發潛發小弩羌謂力弱不

能至并兵急攻於是使二十強弩共射一人發

無不中羌大驚詔因出城奮擊明日悉陳其兵

令從東郭門出北郭門入貿易衣服回轉數周

羌不知其數相恐動詔潛於淺水設伏候其走

路羌果大奔因掩擊大破之賊由是敗散射音石中

去聲貿音茂○赤亭在隴西今充○皇太后鄧

氏崩徙封鄧騭為羅侯遣就國騭自殺帝太后親

政以閭后兄弟為卿校典禁兵而鄧氏五侯皆

免為庶人沒入貲產徙封騭騭憤恚不食而死



○汝南黃憲卒

汝南郡名屬豫州今汝寧府○書法曰布衣未有書卒者書黃

憲何惜賢也

初汝南太守王龔好才愛士以袁閭為

功曹引進憲及陳蕃等蕃就吏憲不屈

○好去聲郡錄

事曰憲父為牛醫憲年十四潁川荀淑遇於逆

旅竦然異之曰子吾之師表也見閭曰子國有

顏子閭曰見吾叔度耶

逆旅客舍也叔度憲字也

戴良才高

每見憲歸惘然若自失其母曰汝復從牛醫兒

來耶

惘然失志貌

陳蕃等相謂曰時月之間不見黃

生鄙吝之萌復存乎心矣太原郭泰過閭不宿

從憲累日曰奉高之器譬如沈潛雖清而易挹



叔度汪汪若千頃波澄之不清撓之不濁不可

量也

沈音軌濫一作檻胡覽反易去聲○太原府名屬山西泰字林宗奉高閬字也泉側

出曰沈正出曰濫詩曰有冽沈泉又曰憲初舉

孝廉又辟公府人勸其仕暫到京師即還年四

十八而終

辟音璧○憲到京師還蓋知其不可而不為者也

范曄曰黃憲言論風旨無所傳聞為士君子

見之者靡不服深遠去疵吝故予曾祖穆侯

以為憲隕然其處順淵乎其似道若及門於

孔氏其殆庶乎

策收太尉楊震印綬遣歸故郡震自殺震關西



人時人稱之曰關西夫子楊伯起教授生徒堂

下得三鱣都講以為有三公之象取以進曰先

生自此升矣

鱣當作鱣音善魚名似蛇黃身黑文

後嘗為郡守屬

邑令有懷金遺之者曰暮夜無知者震曰天知

神知我知子知何謂無知令慚而退

遺去聲○令縣令謂

王密也震所舉故懷金謝之

熊氏曰君子之德明不欺天幽不欺神內不

欺心外不欺人持行於昭昭之際昧心於冥

冥之中可乎令以利來震以義責故懷慙而

退也



及為三公時宦者及上乳母王聖用事皆有請  
托震不從又數以近習為言共構陷之飲酖而  
死葬之日名士皆來會有大鳥高丈餘至墓前  
俯仰流涕而去

數音朔○近習  
親近狎習之人

胡氏曰安帝三公無出震之右者然人臣以  
道事君合則留違則去震以三公之尊兩奏  
一乳媪而不能動宜去久矣至是極言遂取  
殺身之禍忠則忠矣然其燭理不明處義不  
精亦不足稱也

上少强聰明既即位多失德在位十九年崩改



元者五曰永初元初永寧建光延光太子先為  
近習所譖坐廢為濟陰王閻后臨朝與閻顯迎  
章帝孫北鄉侯懿嗣位尋薨宦者孫程等誅顯  
遷閻后迎立濟陰王是為孝順皇帝

少去聲  
濟上聲

史斷曰孝殤始生百日而為君無足道者清  
河王慶孝章之長子嘗正位儲宮廢不以罪  
且年齡益長過失無聞使於此時迎立以主  
漢祀不亦善哉而鄧后終利幼弱欲久臨朝  
安帝年才十三俾稱尊享御然權歸外戚令  
出房幃帝年三十猶未及親政故自永寧以



後日食地震雨水風雹之變歲不一書母后  
常隆官寺得政府身熏子委寄國命手握天  
爵口銜天憲舉動移山海呼吸變霜露海內  
愁怨志士窮棲方且計金授官移民逃寇推  
咎台衡以答灾眚吾誰欺欺天乎

**孝順皇帝**名保為孫程等所立宦者以功封侯

者十九人

為去聲○十九人謂孫程王康王國  
黃龍彭愷孟叔李建成張賢史汎

馬國王道李元揚佗陳子  
趙封李剛魏猛苗光也

○尚書令左雄奏令

郡國舉孝廉限年四十以上諸生通章句文吏  
能牋奏乃得應選其有茂才異等若顏淵子奇



不拘年齒雄公直精明審覈真偽次志行之有  
舉少年至者雄詰之曰顏淵聞一知十孝廉聞  
一知幾邪頃之中外坐謬舉黜免者十餘人惟  
汝南陳蕃潁川李膺下邳陳球等三十餘人得  
拜郎中

應少皆去聲○子奇姓尹字伯奇齊人有孝行

袁宏曰古者四十而仕非謂仕必是年也特  
舉其大限以為言耳且顏淵子奇曠代一有  
而欲以斯為格不亦偏乎

以皇后父梁商為大將軍商卒以其子冀為大  
將軍不疑為河南尹

後漢都洛河南尹如前漢之京兆尹

遣使者



八人分行州郡張綱獨埋其車輪於雒陽都亭  
曰豺狼當道安問狐狸劾奏冀不疑無君之心

十五事上知綱言直而不能

八人謂張綱杜喬周舉周栩馮

羨樂巴郭遵劉班也分行謂分部行案也埋車輪謂不行部也豺狼謂冀不疑狐狸喻州郡汙

吏言冀不疑專權縱恣先當糾冀欲中傷之廣

陵賊張嬰寇亂楊徐間十餘年乃以綱為廣陵

太守綱單車徑詣嬰壘門請與相見譬曉之嬰

等萬餘人降綱入壘宴散遣任所之南州晏然

在郡卒嬰等為之制服行喪

中去聲○廣陵郡名屬淮東△楊州

府揚徐皆州名揚即廣陵徐即彭時二千石長城南州南方州郡也晏然平靜貌



吏有能政者冀州刺史蘇章有故人為清河太

守章行部為設酒甚歡守喜曰人皆有一天我

獨有二天章曰今日蘇孺文與故人飲者私恩

也明日冀州刺史案事者公法也遂舉正其姦

賊之罪長上聲○清河郡名屬河東今恩州行部巡行所部也二天言蘇章亦一天也

孺文章字也○上在位二十年崩改元者五曰永建

陽嘉永和漢安建康太子立是為孝冲皇帝謚法

幼少在位曰冲

史斷曰順帝享國漢業雖衰然當時可任公

卿者有李固杜舉可任將帥者有虞詡皇甫



規可任刺史者有蘇章張綱任峻吳祐若使  
之盡其才又使各舉所知而彙征焉國雖衰  
可興也而帝惟后黨預權閹宦用事忠良屈  
抑不復得志欲天下不亂得乎

**孝冲皇帝**

名炳年二歲即位三閱月而崩改元

永嘉

炳音丙

梁太后迎立渤海孝王之子是為孝

質皇帝

謚法中正無邪曰質

史斷曰冲帝二歲踐阼梁后臨朝委政宰輔  
李固所言多見采納宦官黃門為惡者一皆  
斥遣天下方翹首太平而跋扈之冀已及日



矣

**孝質皇帝**

名纘章帝玄孫也年八歲即位少聰

慧嘗因朝會目梁冀曰此跋扈將軍也冀深惡

之使左右於餅中進毒遂崩在位一年有半改

元本初冀迎立蠡吾侯是為孝桓皇帝

少惡皆去聲朝

音潮跋扈末反扈音  
户跋扈猶言強梁也

史斷曰質帝生才九歲而能面斥跋扈之姦

何其明智若是哉使於是時亟請太后出御

前殿召宰輔大臣共明證其罪而誅之則漢

室之興猶未可量也惟其不能是以言未脫



口而餅中之毒已進矣哀哉

**孝桓皇帝**

名志章帝曾孫也年十五即位梁冀

以定策功益封又封其子弟皆侯

子弟皆侯謂封冀弟不疑

為潁陽侯蒙為西平侯子胤為襄邑侯

李固杜喬欲立清河王蒜

至是蒜貶為侯自殺固喬下獄死

蒜音篡○梁冀誣固喬與

妖賊劉鮪交通遂收下獄殺之

○前朗陵侯相荀淑卒

書法曰卒前宮

何錄也

淑潁川人少博學有高行李固李膺等皆

師宗之相朗陵治稱神君

少行相治皆去聲

有子八人

時人稱為八龍其六曰爽字慈明人言荀氏八

龍慈明無雙縣令命其里曰高陽里

八子謂儉緄靖燾証



爽肅專也命里曰高陽氏有才子八人之義也爽嘗謁李膺因為

之御既還喜曰今日乃得御李君矣聲為去同郡

陳寔與淑齊名嘗詣淑長子紀字元方御車次

子諶字季方驂乘孫羣字長文尚幼抱車中至

淑家八龍更迭侍左右淑孫彧字文若尚幼抱

置膝上太史奏德星見五百里內有賢人聚上

聲諶時任反乘見皆寔嘗為太丘長脩德清淨

吏民追思之長上聲○太丘紀諶之子問其父

優劣於其祖寔曰元方難為兄季方難為弟材

餘曰優不足曰劣難為兄弟謂元方難為季方



優劣論也○詔舉獨行之士獨行謂特立不阿涿郡崔寔至

公車不對策退而著政論略曰聖人能與世推

移俗士苦不知變以為結繩之約可復治亂秦

之緒干羽之舞可以解平城之圍推通面反○涿郡即涿鹿

今涿州寔字子真公車受章奏處也上古結繩

以紀事至亂秦則端緒多而難以此治之也舜

舞干羽而有苗格至匈奴圍高夫刑罰者治亂

之藥石也德教者興平之梁肉也以德教除殘

是以梁肉治疾也以刑罰治平是以藥石供養

也○夫興平謂起太平也自數世以來政多恩貸

馭委其轡馬駘其銜四牡橫犇皇路險傾方將



拊勒鞬鞬以救之豈暇鳴和鑾清節奏哉同馭

音答奔奔同鞬巨展反鞬音舟○恩貸謂寬免也馭謂御馬者委棄也鑾馬韁也駘脫也銜馬

口鐵也四壯四馬皆壯也鑾橫犇言不由道也皇路口大路也拊束也勒馬鑾銜也鞬謂轄之也

車轅也和鑾皆鈴也和轆鑾在衡車行則和鳴而鑾應也節奏謂作止高下緩急之度也言

此以譬為政者既失以寬則當濟之以嚴也昔文帝雖除肉刑當斬

右趾者棄市答者往往至死是文帝以嚴致平

非以寬致平也趾音止仲長統見其書曰凡為

人主當寫一通置之坐側具首尾曰通

司馬公曰漢家之法已嚴矣而寔猶病其寬

何哉蓋衰世之君率多柔懦凡愚之佐惟知



姑息是以權幸之臣有罪不坐豪猾之民犯  
法不誅仁恩所施止於目前奸宄得志紀綱  
不立故崔寔之論以矯一時之弊非百世之  
通義也孔子曰政寬則民慢慢則糾之以猛  
猛則民殘殘則施之以寬寬以濟猛猛以濟  
寬政是以和斯不易之常道也

以朱穆為冀州刺史令長望風解印去者數十  
人及到奏劾貪汙有宦者歸葬父用玉匣穆案  
驗剖其棺出之上聞大怒徵穆詣廷尉太學生  
劉陶等數千人上書訟穆謂中官竊持國柄手



握王爵口銜天憲穆獨亢然不顧端忠懷憂為

上深計臣願代穆罪上赦之陶又上疏乞以穆

及李膺輔王室書奏不省長上聲亢音枕為去聲省悉井反○憲法

也言官者執持天子封爵之權專主國家刑法之柄也省察視也○梁冀凶恣

日積以外戚用事二十年威行內外天子拱手

而已上與宦者單超等謀勒兵收其印綬冀自

殺梁氏無少長皆棄市超等五人皆侯自冀誅

天下想望異政黃瓊首為太尉單音善少去聲長上聲○五人

謂單超徐璜具瓊左瑄唐衡也○陳蕃薦處士徐穉姜肱等以

安車玄纁徵之皆不至玄纁幣帛也穉字孺子豫章



人蕃為守時特設一榻以待釋去則縣之釋雖不應諸公之辟然聞其死輒負笈赴吊嘗豫灸一雞以酒漬縣暴乾裹之到家隧外以水漬縣白茅藉飯以雞置前祭畢留謁不見喪主而行

縣

平聲應去聲笈極曄反漬音恣暴音僕乾音干隧音遂藉音灸○豫章郡名屬今江西即南

昌

府笈書箱也冢隧墓間道也藉以白茅取其潔也留謁謂留名刺在墓前也不見喪主即記

所

謂知死不知生傷而不吊之意也肱彭城人與二弟仲晦季江

俱孝友常共被嘗遇盜兄弟爭死盜兩釋之被

也黃瓊卒四方名士會葬者七千人釋至進爵

哀哭置生芻墓前而去諸名士曰此必南州高



士徐孺子也使陳留茅容追之問國事不答太

原郭泰曰孺子不答國事是其愚不可及也草

也容字季偉程子曰邦無道能沉泰初游雒陽

李膺與為友膺歸鄉里送車數千兩膺與泰同

舟而濟衆賓望之者如神仙焉兩音亮○膺與泰同舟以其道

同也衆賓望之也如容年四十餘耕於野遇雨避

樹下衆皆夷踞容獨危坐愈恭泰見而異之遂

勸令學夷踞謂蹲踞而坐也危鉅鹿孟敏荷甔

墮地不顧而去泰見問之對曰甔已破矣視之

何益泰亦勸令學自餘因泰獎進成名者甚衆



荷上聲負也  
獎音蔣勸也

茅容危坐獨與衆異孟敏墮甌無所顧惜是  
皆生質之義如此自非先達有見之士獎勸  
而造就之鮮有不湮沒者若郭泰可謂能成  
人之義矣

泰舉有道不就曰吾夜觀乾象晝察人事天之

所廢不可支也

支持也

陳留仇香名覽年四十為

蒲亭長民有陳元母告元不孝香親到其家為

陳人倫元感悟卒為孝子

張上聲○蒲亭在陳之為去

考城令王奐署香為三簿謂曰陳元不罰而化



之得無少鷹鷂之志邪

考城縣名屬陳留今睢州署謂簽舉也少鷹鷂

志言其無搏擊之威也

香曰以為鷹鷂不若鸞鳳

言鷹鷂之搏擊

鳥雀不如鸞鳳翔而衆鳥隨之以喻刑罰不如德化也

奐曰枳棘非鸞鳳

所棲百里非大賢之路乃資香入太學常自守

泰就房見之起拜床下曰君素之師也不應徵

辟而卒

枳似橘有刺棘小木叢生資謂助其道里費也自守謂不求聞達也

○自

黃瓊以來三公如楊秉劉寵皆人望寵嘗守會

稽郡大治被徵有五六老叟自山谷間出人賫

百錢送之曰明府下車以來狗不夜吠民不見

吏今聞當見棄去故自扶奉送寵曰吾政何能



及公言邪勤苦父老為人選一大錢受之後入

為司空

治去聲○秉楊震子也人望人中有名望者選擇也言人各選取一大錢餘皆

也不受秉立朝正直為河南尹時嘗以忤宦官得

罪後為太尉以卒

忤朝音潮下同

陳蕃繼秉為太

尉數言李膺以為司隸校尉宦官畏之皆鞠躬

屏氣不敢出時朝廷紀綱頽弛膺獨持風裁以

聲名自尚士有被其容接者名為登龍門云

丙裁才

○以劉寬為尚書令寬嘗歷典三郡多

仁恕吏民有過以蒲鞭罰之

三郡全蹄云由司州內史遷東海太

太守又遷南陽

初上為侯時受學於甘陵周福及



即位擢為尚書時同郡房植有名鄉人謠曰天

下規矩房伯武因師獲印周仲進二家賓客互

相譏揣成隙由是有甘陵南北部黨人之議始

此甘陵即清河郡曆縣安帝葬孝德皇后於此

因改之汝南太守宗資以范滂為功曹南

陽太守成瑨以岑暕為功曹皆褒善糾違滂尤

剛勁疾惡如讎二郡謠曰汝南太守范孟博南

陽宗資主畫諾南陽太守岑公孝弘農成瑨但

坐嘯瑨音晉暕音質孟博滂字也主畫諾謂

乃功曹而專汝南南陽太守太學諸生三萬餘



人郭泰賈彪為之冠與陳蕃李膺更相推重學  
中語曰天下模楷李元禮不畏強禦陳仲舉於  
是中外承風競以臧否相尚

冠去聲更音庚○元禮膺字也仲舉

蕃字也善曰臧不善曰否

會成瑨與太原守劉瓚於赦後案

殺宦官之黨徵下獄將棄市山陽守翟超以張

儉為督郵破宦官踰制家宅東海相黃浮亦收

宦官家屬犯法者殺之宦官訴冤皆得罪蕃屢

爭之上不聽

瓚音質○山陽郡屬淮東今淮安府

宦官教人上書

告李膺養太學游士共為部黨誹訕朝廷疑亂

風俗上震怒下郡國逮捕黨人案經三府蕃卻



不肯署上愈怒下膺等北寺獄辭連杜密陳寔

范滂等二百餘人使者追捕四出蕃又極諫上

策免之朝廷震慄莫敢復為黨人言者誹音匪

去聲○三府三公府也署判押也北寺獄屬黃門賈彪曰吾不西行大

難不解乃入雒陽說皇后父竇武上䟽解之膺

等獄辭又多引宦官子弟宦官乃懼白上赦黨

人二百餘人皆歸田里書名三府禁錮終身難說

皆去聲錮音固○禁錮謂杜塞其仕進之路如鎔鐵以錮之也○上在位二十

一年改元者七曰建和和平元嘉永興永壽延

熹永康崩竇皇后迎立解瀆亭侯是為孝靈皇



帝

史斷曰桓帝政遷五侯刑淫三獄姦邪肆虐  
流衍四方賢愚混殽是非逆置可謂亂矣然  
猶綿綿不至於絕者上則有公卿大夫陳蕃  
李膺楊秉劉寵李固杜喬之徒面折廷爭用  
公義以扶其危下則有韋布之士符融郭泰  
范滂許劭之流立私論以拯其敗是以政治  
雖濁而風俗不衰惜乎黨錮諸君子生茲不  
辰適丁亂世乾綱解紐陰邪得路天下大勢  
如長江大河不可復返而諸君子欲以區區



之口舌障其流而迴其瀾激其濁而揚其清  
豈不難哉且私相品題自立禍的而不知挾  
彈操弓者睥睨於左右矣天地一網罟高飛  
竟何益哀哉

**孝靈皇帝**

名宏章帝玄孫也年十二即位竇太

后臨朝竇武為大將軍陳蕃為太傅徵天下名

賢李膺杜密等皆列于朝天下想望太平

潮音下

同

蕃武共議以宦官操弄國柄濁亂海內奏誅

曹節王甫等謀泄宦者夜召所親軟血共盟請

帝御前殿作詔板拜王甫黃門令使其黨持節



收武等誣以大逆先執陳蕃殺之武自殺梟首

都亭遷太后於南宮

操平聲梟音枵謂斬其首而懸之以示衆也

楊氏曰曹節等竊弄神器固天下所同疾竇氏以至親操重柄招延者德相與協謀勦除姦凶其勢易矣然而身敗功頽貽國後患者幾事不密而禍成於猶豫也豈不惜哉

膺等初雖廢錮士大夫皆高其道而汙穢朝廷

更相標榜為稱號

更音庚○用小人故

汙穢朝廷

以竇武陳

蕃劉淑為三君言一世之所宗也

宗猶主也

李膺荀

昱杜密王暢劉祐魏朗趙典朱寓為八俊言人



英也

之英人中英俊也

郭泰范滂尹勲巴肅宗慈夏馥

蔡衍羊陟為八

顧言能以德行引人也

聲去

張

儉翟超岑晳范康劉表陳翔孔昱檀敷為八及

言能導人追宗也

導引也言引也

度尚張邈王孝

劉儒胡母班秦周蕃嚮王章為八厨言能以財

救人也

厨音莫厨音無蕃音婆

及陳竇用事

復舉拔膺等陳竇死膺等復廢錮宦官疾惡之

諷有司奏誅鈞黨膺詒詔獄考死

復扶去聲

又反惡鈞黨

謂相鈞引其黨與也

滂就捕母與訣曰汝今得

與李杜齊名死亦何憾滂跪受教再拜而辭顧



其子曰使汝為惡惡不可為使汝為善我不為

惡聞者莫不為之流涕為之為去聲○訣別也李杜李膺杜密也或

謂李固杜黨人死者百餘人其死徙廢錮者又

六七百人郭泰私慟曰人之云亡邦國殄瘁漢

室滅矣但未知瞻烏爰止于誰之屋耳泰雖好

臧否而不為危言覈論故處濁世而禍不及焉

殄徒典反瘁音萃好去聲處上聲○殄盡瘁病

人之云亡邦國殄瘁詩瞻仰篇之辭瞻烏爰止

于誰之屋詩正月篇之辭言漢必滅亡但未知

將為誰人所得知視烏之飛不知將止於誰人

也  
司馬溫公曰天下有道君子揚于王庭以正



小人之罪而莫敢不服天下無道君子括囊  
不言以避小人之禍而猶或不免黨錮諸君  
子生昏亂之世不在其位四海橫流而欲以  
口舌抹之以至身被淫刑禍及朋友士類殲  
滅而國隨以亡不亦悲乎夫惟郭泰既明且  
哲以保其身卓乎其不可及也

詔諸儒正五經文字命蔡邕為古文篆隸三體

書之刻石立太學門外

古文蒼頡所摸鳥迹文  
字篆史籀所著隸程邈

作所○上好文學引諸生能文賦者並待制鴻都  
門下置立太學諸生皆斗筭小人君子恥之去好



聲筭音稍○朱子曰斗量名容十升筭  
竹器容斗二升斗筭之人言鄙細也  
○開西

邸賣官各有價崔烈以五百萬得司徒問其子

以外議何如子曰人嫌其銅臭耳邸音底舍也

○黃巾賊張角等起角鉅鹿人以妖術教授號

太平道符水療病遣弟子遊四方轉相誑誘十

餘年間徒衆四十萬置三十六方大方萬餘小

方六七千各立渠帥一時俱起皆著黃巾所在

燔劫旬月之間天下響應燔音煩應去聲○渠

焚人宅舍劫掠人財物也謂遣皇甫嵩等討之嵩與沛國曹

操合軍破賊操父嵩為宦者曹騰養子或曰夏



侯氏子也操少機警有權數任俠放蕩不治行  
業汝南許劭與從兄靖有高名共覈論鄉黨人  
物每月輒更其題品故汝南俗有月旦評操往  
問劭曰我何如人劭不答劫之乃曰子治世之  
能臣亂世之姦雄操喜而去至是以討賊起論皆去聲更音庚○機警機變警悟也權數皇  
權謀術數也行業行用作業也同祖曰從皇  
南嵩破角角死與角弟梁寶戰皆破斬之梁寶  
弟○帝崩在位二十二年改元者四曰建寧熹  
平光和中平子辯立何太后臨朝后兄大將軍  
何進錄尚書事袁紹勸進誅宦官太后未肯紹



等畫策召四方猛將引兵向京以脅太后遂召

將軍董卓之兵卓未至進為宦官所殺紹勅兵

捕諸宦官無少長皆斬之凡二千餘人有無鬚

而誤死者為少皆去聲長上聲○宦卓至問亂

由辯年十四語不可了陳留王答無遺卓欲廢

立紹不可卓怒紹出奔卓遂廢辯陳留王立是

為孝獻皇帝語不可了謂無決斷也陳留三辯弟也

史斷曰靈帝即位昏愚尤甚保養奸回過於

骨肉殲滅忠良甚於寇仇鬻獄賣官錯直舉

枉災異迭見史不絕書積多士之憤蓄四海



之怨於是何進召我董卓乘釁虺蜴雖除而  
虎狼復入室矣可悲也乎

**孝獻皇帝**

名協九歲為董卓所立關東州郡起

兵討卓推袁紹為盟主卓燒雒陽宮廟遷都長  
安長沙太守富春孫堅起兵討卓至南陽衆數  
萬與袁術合兵術與紹同祖皆故太尉袁安之  
玄孫也袁氏四世五公富貴異於他族紹壯健  
有威容愛士士輻湊術亦俠氣至是皆起堅擊  
敗卓兵術遣堅圖荊州為劉表將黃祖步兵所  
射死

為董卓為劉之為皆去聲射音石○長沙郡  
名屬湖南今潭州府是也袁安為司徒其



子弟隗弟隗為司空敞子湯為司徒湯子逢為司空逢  
士歸素紹紹如輻輳也俠氣猶言任俠也○按  
素紹等起兵蓋以討卓為名皆有睥睨漢鼎之  
意但畏名分而不敢顯言耳○司徒王允等密謀誅卓中郎  
將呂布膂力過人卓信愛之嘗小失卓意卓手  
戟擲布布避得免允結布為內應卓入朝允伏  
勇士於北掖門刺之卓墮車大呼呂布布曰有  
詔討賊臣應聲持矛刺卓趣斬之將應呼皆去  
音潮下並同趣促同○膂脊骨也脊壯則有先  
力北掖門正門旁之小門也矛無技兵也  
是卓築塢于郿積穀為三十二年儲金銀錦綺奇  
玩積如丘山自云事成據天下不成守此以老



鄧邑名屬扶風今鳳翔府至是暴屍於市卓素肥吏為大炷

置臍中然之光達曙者數日炷燒曙曉也然卓黨

舉兵犯闕殺王允呂布走卓黨李傕郭汜犯闕

○漢宗室劉備與河東關羽涿郡張飛相善備

起二人從之河東郡名屬山西今河中府○孫堅之子策與

弟權留富春遷于舒堅死策年十七往見袁術

得其父餘兵策十餘歲時已交結知名舒人周

瑜與策同年亦英達夙成至是從策起策東渡

江轉鬪所向無敵當其鋒者百姓聞孫郎至皆

失魂魄所至一無所犯民皆大悅舒州名屬淮西今安慶府



○行氣為魂精氣為魄失魂魄言驚怖至死也○初曹操自討卓時戰

于滎陽還屯河內尋領東郡太守治東武陽已

而入兖州據之自領刺史遣使上書以為兖州

牧上還洛陽操入朝遷上於許使去聲○河內

東郡今東昌府東武陽東郡屬邑也兖州九曹

州之一今屬山東許州名屬河南即潁川郡曹

操擊呂布殺之初布自關中出奔袁術又歸袁

紹已而又去為操所攻走歸劉備據下邳備走

歸操操遣備屯沛布使陳登見操求為徐州牧

不得登還謂布曰登見曹公言養將軍如養虎

當飽其肉不飽則噬人公曰不然譬如養鷹飢



則附人飽則颺去布復攻備備走復歸操操擊  
布至下邳布屢戰皆敗困迫降操縛之曰縛虎  
不得不急卒縊殺之備從操還許為去聲噬音  
逝颺音羊復  
扶又○袁術初據南陽已而據壽春以讖言代  
漢者當塗高自云名字應之遂稱帝淫侈甚既  
而資實空虛不能自立欲奔袁紹操遣劉備邀  
之術走還歐血死應二聲○筌蹄曰當塗而高  
象魏闕也言魏當代漢而術  
以已字公路即○孫策既定江東欲襲許未發  
當塗高之義也  
故所殺吳郡守許貢之奴因其出獵伏而射之  
創甚呼弟權代領其衆曰舉江東之衆決機於



兩陣之間與天下爭衡卿不如我任賢使能各

盡其心以保江東我不如卿卒年二十六石創音

瘡同呼去聲○吳郡屬江浙今平江府吳氏曰

車轉曰衡凡車並行則轉抗而爭故以喻人之

並高也○袁紹據冀州簡精兵十萬騎一萬欲攻

許沮授諫曰曹操奉天子以令天下今舉兵南

向於義則違竊為公懼之紹不聽操與紹相拒

於官渡襲破紹輜重紹軍大潰慚憤歐血死沮音

疽騎為皆去聲○沮授紹臣姓名官渡在河南

榮陽縣東南○通鑑袁紹為人寬雅有局度喜

怒不形於色然性矜愎自○車騎將軍董承受

密詔與劉備誅曹操會操遣備邀袁術因之徐



州起兵討操不克走歸劉表操擊表表卒子琮

舉荊州降操

騎去聲琮徂紅反○董承獻帝母舅也劉表蓋漢宗室故備往歸之

備奔江陵操追之備走夏口操進軍江陵遂東

下

江陵府名屬湖北夏地名在江夏縣西諸葛亮謂備曰請求救

於孫將軍亮見權說之權大悅

說音稅操遺權書

曰今治水軍八十萬衆與將軍會獵於吳權以

示羣下莫不失色張昭請迎之魯肅以為不可

勸權召周瑜

遺去聲

瑜至曰請得數萬精兵進往

夏口保為將軍破之權拔劔斫前奏案曰諸將

吏敢言迎操者與此案同

為去聲

遂以瑜督三萬



人與備并力逐操進遇於赤壁

迎敵曰逆赤壁山名在武昌府

蒲圻縣西北

瑜部將黃蓋曰操軍方連船艦首尾相

接可燒而走也

蓋古大反

乃取蒙衝鬪艦十艘載燥

荻枯柴灌油其中裹帷幔上建旌旗豫備走舸

繫於其尾

艘音搔舸加我反○集覽曰蒙衝與艨艟通戰船也艘船總名也楚謂大

舸為舸

先以書遺操詐欲降時東南風急蓋以十

艘最著前中江舉帆餘船以次俱進操軍皆指

言蓋降去二里餘同時發火火烈風猛船往如

箭燒盡北船烟焰漲天人馬溺燒死者甚衆備

等率輕銳雷鼓大震北軍大敗操走還

遺去聲雷音去



後屢加兵於權不得志歎曰生子當如孫仲謀

向者劉景升兒子豚犬耳

景升劉表字也表子舉荊州降故操以為

豚犬

備徇荊州江南諸郡降之瑜上疏於權曰

備有梟雄之姿而有關羽張飛熊虎之將聚此

三人在疆場恐蛟龍得雲雨終非池中物也宜

徙備置吳權不從瑜方議圖北方會病卒魯肅

代領其衆肅勸權以荊州借備權從之

場音權章

將呂蒙初不學權勸蒙讀書魯肅後與蒙議論

大驚曰卿非復吳下阿蒙蒙曰士別三日即當

刮目相待

阿發語辭言呂蒙學有進益非復前日吳下之阿蒙也刮猶拭也

○



初曹操自兗州牧入為丞相領冀州牧封魏公作銅雀臺於鄴已而進爵為王用天子車服出入警蹕以子丕為王太子操卒丕立自為丞相冀州牧竟篡位廢帝為山陽公追尊操為太祖武皇帝改元黃初帝在位改元者三曰初平興平建安元年至二十五年則皆曹操為政時也共三十一年漢中王立於蜀是為昭烈皇帝史斷曰前漢之將亡也天下猶又安四夷猶寔服其所以亂者特在朝廷耳故雖鼎祚內移而民有謳吟之思後漢之將亡也盜賊滿



天下流毒衍四海天命人心百無一存蓋通  
天地之間而閉塞者也正使有聖哲之君尚  
恐馳驚不足而況昏庸之主哉

愚按尹氏之言曰漢自桓靈不君董卓扇禍  
卓既伏誅而曹操乘時作亂廢制天子害殺  
國母酖殺皇子義士莫不為之歎憤苟有一  
夫倡義於天下皆君子之所深予況於堂堂  
帝室之胄英名蓋世者乎丕既篡位漢祀無  
主昭烈正位蜀漢紹承大統名正言順無可  
疑者自陳壽志三國及帝曹操而以列國待



蜀故通鑑因之以魏紀年冠屨倒置良可悲  
傷至朱子綱目始以昭烈承獻帝之後紹漢  
正統取春秋之義以示天下後世之正論也  
此書舊本亦以魏為提頭而附漢吳於其間  
今因京兆劉氏所定而悉遵朱子義例正之  
如左云

蜀漢

**昭烈皇帝**名備字玄德中山靖王勝之後也景  
帝生勝勝生貞徙封涿郡陸城亭侯子孫因家  
焉數世至雄雄生弘弘生備垂手下膝顧自見



其耳有大志少言語喜怒不形於色

滕音悉

初平

中羣盜並起備於是起兵於涿以圖興復尋受

密詔討曹操不克先奔冀州領兵至汝南自汝

南奔荊州歸劉表

初平獻帝年號

嘗於表坐起至廁還

慨然流涕表怪問之備曰常時身不離鞍髀肉

皆消今不復騎髀裏肉生日月如流老將至矣

功業不建是以悲耳

離騎皆去聲髀音彼股骨也建立也

琅邪諸

葛亮寓居襄陽隆中每自比管仲樂毅

琅邪國名今益

州路沂州是也襄陽府名屬河南即南陽郡隆中地名管仲樂毅事見戰國齊燕紀備訪

士於司馬徽徽曰識時務在俊傑此間自有伏



龍鳳雛諸葛孔明龐士元也

徽音暉襄陽人伏  
龍喻孔明鳳雛喻

士元也

徐庶亦謂備曰諸葛孔明卧龍也

卧猶備也

三往乃得見亮問策亮曰曹操擁百萬之衆挾

天子以令諸侯此誠不可與爭鋒孫權據有江

東國險而民附可與為援而不可圖

援音院

荊州

用武之國益州險塞沃野千里天府之土

益州即成

都府沃肥也財物所聚曰府言益州之地物將  
產饒多可備給餉故曰天府言如天所造也

將軍帝室之胄信義著於四海若跨有荊益保其

巖阻天下有變荊州之軍向宛洛益州之衆出

秦川孰不簞食壺漿以迎將軍乎

宛音寬簞音丹食音似○



天下有變謂曹氏篡位孫氏構怨也宛即南陽宛縣洛即洛陽備曰善與亮情

好日密曰孤之有孔明猶魚之有水也聲好去士

元名統龐德公從子也德公素有重名亮每至

其家獨拜床下從去聲姪

胡氏曰三國人才之盛後世鮮及然孔明則

高邁獨出巍然三代之佐矣亞於伊傅而以

管樂自比者謙辭也才與管仲等而德則過

之

及表卒子琮降操備奔江陵操追之備遣亮與

孫權通好連兵大破操兵於赤壁聲好去備徇荆



州江南諸郡士民多歸之權以荊州借備以容

其眾備初用龐統為耒陽令不治權將魯肅遺

備書曰士元非百里才使為治中別駕乃得展

其驥足耳備用之勸取益州耒陽縣名備留關

羽守荊州引兵泝沅自巴入蜀襲劉璋入成都

沔音四備既得益州權使人從備求荊州備不

從遂爭之已而分荊州荊州用武之國故漢吳

孫氏襲殺關備自蜀取漢中自立為漢中王漢

中將關羽自江陵出攻樊城取襄陽自許以南

往往遙應羽威震華夏應去聲○樊城縣名屬

襄陽華光夏大也中國



文明故操至議徙許都以避其鋒司馬懿曰備

權外親內疎關羽得志權必不願也可遣人勸

權躡其後許割江南以封權操從之時魯肅已

死呂蒙代之亦勸權圖羽操師救樊城權將陸

遜又襲羽後羽狼狽走還權軍獲羽斬之遂陷

荊州狽音貝○漢吳相圖魏之利也魏人巧於乘間以利誘吳吳人不悟遂中其計惜哉

操子丕既篡位王乃即皇帝位於武擔之南大

赦以諸葛亮為丞相武擔山名在成都城北○章武元年

立宗廟祫祭高皇帝以下祫胡夾反合祭也○書法曰大書章武何

紹昭烈於高光也魏篡立吳割據昭烈親中山靖王之裔名正言順舍此安歸綱目揭章武之



元而大書之然後正閏順逆各得其所以故曰統正於下而人道定矣○帝自將伐

孫權權請和不許遂遣陸遜督諸將拒守帝耻關羽

之敗故伐吳也○書法曰自初平以來諸相加兵者書攻擊而已此其書伐何罪吳且尊漢也

○孫權遣使魏魏封權為吳王使去聲下同○魏主

問吳使趙咨曰吳王頗知學乎咨曰吳王任賢

使能志存經略雖有餘閒博覽書史不效書生

尋章摘句魏主曰吳難魏乎咨曰帶甲百萬江

漢為池何難之有曰吳如大夫者幾人咨曰聰

明特達者八九十人如臣之比車載斗量不可

勝數難去聲勝辛升數上聲○經略經濟謀略也難猶畏也○二年帝進



軍獠亭吳陸遜攻之諸軍敗績帝還永安獠交反許

○狹至夷亭在夷陵立數十屯與吳軍相拒累月陸遜自巫

破其四十餘營○魏遣將軍曹休等擊孫權責

故曰諸軍敗績○吳王權改元拒魏魏主丕自將擊

之何惡魏也故雖書降魏魏封夫此其不書叛而書拒

孫權不與其受魏封也於此是拒魏然後書吳王

何實非予之也○帝崩于永安上在位二年

改元者一壽六十三太子立是為後皇帝後主降魏

味有謚故

愚按昭烈以帝室之胄傑出之才起兵涿郡



志存匡復受天子之密詔討擅命之姦臣旁  
求羣賢不辭三顧伏龍以之而奮躍鳳雛以  
之而飛翔雖顛沛險難而信義愈明勢迫事  
危而言不失道追景升之顧則情動三軍戀  
赴義之士則甘與同敗故能合吳軍而大破  
曹瞞於赤壁仗義兵而薄伐劉璋於成都用  
趙雲而取漢中遣關羽而攻樊許威震華夏  
幾復舊都惜乎因爭荊州而孫權移心致吳  
違盟而關羽喪首卒不能削平僭偽混一中  
原可勝歎哉然能君臨蜀都使赤帝子之祀



不至墜絕又數十年與光武即位鄱南晉元  
即位江左先後一轍謂非中興賢君可乎

**後皇帝**

名禪字公嗣年十七即位以丞相諸葛

亮為武鄉侯領益州牧初昭烈臨崩謂亮曰君  
才十倍曹丕必能安國家終定大事嗣子可輔  
輔之如其不可君可自取亮涕泣曰臣敢不竭  
股肱之力效忠貞之節繼之以死至是亮乃約  
官職脩法制下教曰夫參署者集衆思廣忠益  
也若遠小嫌難相違覆曠闕損矣夫音扶遠難皆去聲○陳  
氏曰參署參佐署事也遠猶避也難疑也覆反也言參佐之職若避小有嫌疑而相違戾則反



曠廢職業闕損政教矣亮乃遣鄧芝使吳脩好芝見孫權

曰蜀有重險之固吳有三江之阻共為唇齒進

可兼并天下退可鼎足而立吳遂絕魏專與漢

和使好皆去聲重平聲○三謂漢江東江也○

建興二年魏主以舟師擊吳吳列艦于江江水

盛長魏主臨望歎曰我雖有武夫千羣無所施

也於是還師還長上聲旋音○三年南夷畔丞相亮討

平之有孟獲者素為夷漢所服亮生致獲使觀

營陣縱使更戰七縱七擒猶遣獲獲不去曰公

天威也南人不復反矣縱放也○魏主又以舟師



臨吳見波濤洶湧歎曰嗟乎固天所以限南北

也

洶許拱反湧音勇水盛貌

○四年魏主丕卒謚曰文皇帝

子叡立先是叡母被誅丕嘗與叡出獵見子母鹿既射其母使叡射其子叡泣曰陛下已殺其母臣不忍殺其子丕惻然至是嗣位○虜士管寧字幼安自獻帝初避地遼東三十七年魏徵之乃浮海西歸拜官不受虜上聲○五年丞相亮

率諸軍伐魏臨發上疏曰今天下三分益州疲

弊此危急存亡之秋也宜開張聖聽不宜塞忠

諫之路

塞音色○天下三分謂漢魏吳各君一國也

宮中府中俱為



一體陟罰臧否不宐異同若有作奸犯科及為

忠善者宐付有司論其刑賞以昭平明之治

官官女子所居府中大臣宰輔所居親賢臣遠小人此先漢所以

興隆親小人遠賢臣此後漢所以傾頽也聲遠去

臣本布衣躬耕南陽苟全性命於亂世不求聞

達於諸侯先帝不以臣卑鄙猥自枉屈三顧臣

於草廬之中諮臣以當世之事由是感激許先

帝以驅馳猥音咨為賄反諮訪問也先帝知臣謹慎臨崩寄

以大事受命以來夙夜憂懼恐付託不效以傷

先帝之明故五月渡瀘深入不毛今南方已定



兵甲已足當獎率三軍北定中原興復漢室還

于舊都此臣所以報先帝而忠陛下之職分也

遂屯漢中

瀘音盧分去聲○陳氏曰瀘水出中  
都東流入江不毛不生草木之地舊

都謂長安洛陽明年率大軍攻祁山戎陣整齊彌令明

肅

祁山在  
西和州始魏以昭烈既崩數歲寂然無聞略

無所備猝聞亮出朝野恐懼於是天水安定等

郡皆應亮關中響震

猝倉沒反朝音潮應去聲  
○猝急遽也天水郡即秦

州安定郡  
今涇州

魏主如長安遣張郃拒之亮使馬謖

督諸軍戰于街亭謖違亮節度郃大破之亮乃

還漢中

郃胡閭反謖音速○街亭在秦  
州隴西縣節度節制法度也

已而復



言於上曰漢賊不兩立王業不偏安臣鞠躬盡

瘁死而後已至於成敗利鈍非臣所能逆覩也

賊指引兵出散關圍陳倉不克散關在鳳州梁泉縣陳倉邑名

屬扶風○七年吳王孫權稱皇帝於武昌追尊父

堅為武烈皇帝兄策為長沙桓王已而還都建

業武昌府名屬湖廣建業郡名屬江東今應天府○十二年丞相武鄉

侯諸葛亮伐魏卒于軍長史楊儀引軍還長上

書法曰書卒于軍何嘉死軍事也故具官爵姓亮方為足食計而卒于軍此軍國之可深痛而綱

目之所深惜也書楊儀引軍還何嘉儀先是亮也新喪元帥全師而歸儀可謂能權矣

伐魏圍祁山魏遣司馬懿督諸軍拒亮懿不肯



戰賈詡等曰公畏蜀如虎奈天下笑何懿乃使

張郃向亮亮逆戰魏兵大敗亮以糧盡退軍郃

追之與亮戰中伏弩而死聲中去亮還勸農講武

作木牛流馬治邸閣息民休士三年而後用之

木牛流馬蓋貯米其中而機巧可行以運糧其制度尺寸詳見集覽邸閣倉敖之異度名至

是悉衆十萬又由斜谷口伐魏進軍渭南懿引

兵拒守斜于遮反○斜谷在興元府梁州界凡百五

十里亮以前者數出皆運糧不繼使已志不伸乃

分兵屯田耕者雜於渭濱居民之間而百姓安

堵軍無私焉堵牆也言民安如堵也亮數挑懿戰懿不出



乃遺以巾幘婦人之服數音朔遺去聲幘音國婦人服飾也亮使

者至懿軍懿問其寢食及事煩簡而不及戎事

使者曰諸葛公夙興夜寐罰二十以上皆親覽

所噉食不至數升懿告人曰食少事煩其能久

乎噉杜覽反○罰罪責也言亮亮病篤有大星

赤而芒墜亮營中未幾亮卒芒光焰也楊儀整軍還

百姓奔告懿懿追之姜維令儀反旗鳴鼓若將

向懿懿不敢逼百姓為之諺曰死諸葛走生仲

達懿笑曰吾能料生不能料死為去聲○仲亮

嘗推演兵法作八陣圖至是懿按行其營壘歎



曰天下奇才也

筌蹄曰八陣圖取石為之以天地風雲為四正龍虎鳥蛇為四

奇詳見集覽

亮為政無私馬謖素為亮所知及敗軍

流涕斬之而卹其後李平廖立皆為亮所廢及

聞亮之喪皆歎息流涕平至發病死

廖音料為去聲

習鑿齒曰昔管仲奪伯氏駢邑三百沒齒無

怨言聖人以為難亮使廖立垂泣李平致死

豈徒無怨言而已哉夫水至平而邪者取法

鑒至明而醜者亡怨以其無私也況大人君

子懷樂生之心流矜恕之德法行於不可不

用刑加乎自犯之罪爵之而非私誅之而不



史記三  
六十二  
怨天下其有不服者乎

初亮嘗表於上曰臣成都有桑八百株薄田十  
五頃子孫衣食自有餘饒不別治生以長尺寸  
臣死之日不使廩有餘粟庫有餘財以負陛下  
及卒果如其言謚忠武長上聲○謚法徇國忘  
家曰忠剛強直理曰武  
張裔曰亮賞不遺遠罰不阿近爵不可以無  
功取刑不可以貴勢免此賢愚所以僉忘其  
身者也

陳壽曰亮為相國撫百姓示儀軌約官職從  
權制開誠心布公道盡忠益時者雖仇必賞



犯法怠慢者雖親必罰服罪輸情者雖重必  
釋游辭巧飾者雖輕必戮善無微而不賞惡  
無纖而不貶庶事精練物理其本循名責實  
虛偽不齒終於邦域之內畏而愛之刑政雖  
峻而無怨者以其用心平而勸戒明也可謂  
識治之良材管蕭之亞匹矣

魏主性好土功先是既治許昌宮後又作洛陽  
宮徙長安鐘簴橐駝銅人承露盤於洛陽盤折  
聲聞數十里銅人重不可致乃大發銅鑄銅人  
二列於司馬門外號曰翁仲起土山於芳林園



植雜木善草捕禽獸致其中諫者皆不納好去聲

音巨○許昌邑名屬許州今長社縣箕鐘跼也素馳獸名羊首牛身○延熙二年

魏主叡卒謚曰明皇帝子芳立甫八歲司馬懿

曹爽受遺詔輔政懿為太傅芳文帝兄任城王之子明帝養以為

子也曹爽字昭伯魏宗室也九年以姜維為衛將軍與費

禕並錄尚書事初丞相亮既亡蔣琬為政楊敏

毀琬曰作事憤憤不及前人或請推治敏琬曰

吾實不如前人無可推治琬卒費禕董允並為

政公亮盡忠至是允又卒維禕並為政費音吠禕音揮

憤古對反煩亂也前人指諸葛亮也推音吹○十二年魏曹爽驕奢



無度司馬懿殺之懿為丞相加九錫不受爽之  
黨夏侯霸奔蜀姜維問之曰懿得政復有征伐  
志否霸曰彼營之家門未遑外事有鍾士季者  
雖少若管朝政吳蜀之憂也復扶又反少去聲朝音潮○十  
四年魏太傅司馬懿卒以其子師為撫軍大將  
軍錄尚書事○十五年吳主權卒謚曰大皇帝  
子亮立○蜀費禕汎愛不疑降人刺殺之姜維  
用事數出兵伐魏汎音泛廣也數音朔下同○十七年魏李  
豐數為魏主所召司馬師知其議已殺之魏主  
不平左右勸誅師魏主不敢發師廢魏主為邵



陵厲公迎立文帝孫高貴鄉公髦年十四髦音

揚州都督毋丘儉刺史文欽起兵討師不克死

毋音無師卒弟昭為大將軍錄尚書事已而為大

都督假黃鉞揚州都督諸葛誕起兵討昭不克

死昭為相國封晉公加九錫不受鉞大斧也飾以金故曰黃

鉞大都督本無黃鉞假與之所以重其威也鉞音越○景耀元年吳孫綝

以罪誅綝音初吳主亮親政數出中書視大帝

時舊事嘗食生梅索蜜蜜中有鼠矢召藏吏問

曰黃門從爾求蜜邪吏曰向求不敢與黃門不

服令破矢矢中燥因大笑曰若矢先在蜜中中



外俱濕今外濕內燥必黃門所為也詰之果服

左右驚慄

索音色求也矢屎同藏去聲守藏庫史也燥乾也

綝為大將

軍以其多所難問稱疾不朝以兵圍宮廢亮為

會稽王迎立琅邪王休休立以綝為丞相綝又

無禮於新君遂波誅

難去聲會音櫓朝音潮

○三年魏主

髦見威權日去不勝其忿曰司馬昭之心路人

所知也率殿中宿衛蒼頭官僮鼓譟出欲誅昭

昭之黨賈充入與魏主戰成濟抽戈刺魏主殞

于車下追廢為庶人昭迎立常道鄉公璜璜立

改名奐時年十五

勝音升璜音黃○宿衛直宿護衛卒也殞歿也

○炎



興元年蜀姜維屢伐魏司馬昭乃遣鄧艾鍾會

將兵入寇會從斜谷駱谷子午谷趨漢中艾自

狄道趨甘松沓中以綴姜維艾五蓋反沓達合

真符縣南口曰儻谷北口曰駱谷子午谷在洋州東百六十里南北相當故曰子午狄道縣名

屬臨洮甘松沓地名在狄道西南綴謂牽制其兵也維聞會已入漢中引

兵從沓中還艾追躡之大戰維敗走還守劔閣

以拒會劔閣在廣元府綿谷縣艾進至陰平行無入之地

七百里鑿山通道造作橋閣山高谷深艾以氊

自裹推轉而下將士皆攀木緣崖魚貫而進推平

聲○陰平郡名屬鞏昌魚豸至江油以書誘衛

謂相率引而進如貫魚然



將軍諸葛瞻斬其使列陣繇竹戰敗死之其

子尚亦赴敵而死

使去聲下同○江油郡名屬順元今龍州是也繇竹縣名

屬漢州瞻孔明子也

愚按天意不回漢祚傾覆當是之時降賊貪生如姜維者非一人而諸葛瞻父子獨能冒犯鋒刃視死如歸雖其資質有過人者而亦家法之有自也忠武公可謂有子有孫矣嗚呼瞻尚雖死其忠烈之風至今凜凜猶有生氣彼為臣不死忠而偷生一時者視瞻尚寧無愧乎



漢人不意魏兵卒至不為城守乃遣使奉璽綬  
詣艾降皇子北地王諶諫曰若理窮力屈禍敗  
將及亦當君臣父子背城一戰同死社稷以見  
先帝可也奈何降乎上不聽諶哭於昭烈之廟  
先殺妻子而後自殺艾至成都上出降魏封為  
安樂公上在位四十一年改元者四曰建興延  
熙景耀炎興

卒倉沒反  
樂音洛

史斷曰後主才雖中下然建興之初猶能委  
任賢相抗衡強國今年征四郡明年屯漢中  
明年出散關又明年攻武都陰平是以國富



兵強征伐四克迨殞星告變賢相云亡於是  
姜維產禍宦寺專權雖無緣崖之寇其能久  
有國哉縣竹之戰臣死於君成都之降子死  
於父勢窮力蹙束手就縛而漢亡矣可悲也  
夫

漢自高祖元年為王五年為帝至是凡二十六  
世四百六十九年而亡

王莽十五年劉  
玄二年在內

史斷曰西漢自高祖而下有文有武有宣東  
漢自光武而下有明章其餘無稱焉河汾王  
通以七制斷之善矣反覆兩漢之世大抵仁



義公恕役簡刑清如七制之盛者兩漢之所  
以興也母后擅權戚宦用事如七制以下者  
兩漢之所以亡也迨曹氏篡漢而為魏昭烈  
以帝裔即位于蜀孫權亦自王於吳而天下  
遂分於三矣雖以昭烈孔明戮力興復而死  
灰難燃不能復振譬於人家家道陵夷生業  
已盡豪奴悍僕或潛據於內或竊處於外而  
其家之故子遺孫伶仃漂泊其氣奄奄殆盡  
而方區區在外收拾寸土以為興復計亦已  
難矣由是論之民心思漢以王郎假之而有



餘民心去漢以孔明留之而不可吁可嘆哉

吳主休殂謚曰景皇帝兄子烏程侯皓立君吳魏亡

休書卒此其書也○魏司馬昭先是已受九錫已

而進爵為晉王昭卒子炎嗣尋篡位廢魏主為

陳留王魏自曹丕潛踰至是凡五世四十六年

而亡魏主後卒晉人謚之曰元

愚按有魏之興實自操始曹丕因而篡漢如  
拾芥然明帝性雖明敏而好土功其衰微之  
兆已見矣邵陵孤幼寄托非人陵遲至陳留  
而晉人取之亦不難何歟曹操以亂世之奸



雄乘漢室之衰弱欺人孤兒寡婦孤媚以取  
天下原情定罪直臣盜耳以此創業亦以此  
亡豈無天道哉傳曰出乎爾者反乎爾者為  
人臣而懷姦幸釁竊人宗社者尚鑒于茲

### 西晉

**晉世祖武皇帝**姓司馬名炎河內人昭之子懿  
之孫也昭為晉王議立世子議者以炎髮立委  
地手垂過膝非人臣之相遂立已而嗣為王受  
魏禪追尊懿為宣皇帝師為景皇帝昭為文皇  
帝大封宗室相去聲晉有滅吳之志以羊祜都



督荊州事吳以陸抗都督諸軍祜與抗對境使  
命常通抗遺祜酒祜飲之不疑抗疾祜與之成  
藥抗即服之曰豈有酖人羊叔子哉祜務脩德  
政以懷吳人每交兵刻日方戰不掩襲抗亦告  
其邊戍各守分界而已母求細利使遺分皆去聲酖鵠同○  
成成藥合也母母者禁止之辭時吳主皓不脩德政而  
欲兼并使術士筮取天下對曰庚子歲青蓋當  
入洛陽蓋謂銜璧之事而皓不悟用諸將謀數  
侵盜晉邊抗諫不聽也數音朔○璧者贅見之禮降者必縛手於後不能  
執故抗卒祜請伐吳議者多不同祜歎曰天下



不如意事十常七八惟杜預張華贊其計贊助也

祐病求入朝面陳帝欲使祐卧護諸將祐曰取

吳不必臣行但平吳之後當勞聖慮耳朝平聲將去聲

祐卒以杜預為鎮南大將軍督荊州軍事吳主

皓淫虐日甚預表請速征之表至張華適與帝

綦即推枰歛手贊其決帝許之推吐回反○枰綦局也決斷也

山濤告人曰自非聖人外寧必有內憂釋吳為

外懼豈非美乎美計也言庸君以外既平寧內必生患莫若存吳以為外懼而為

計之愈也所謂出則無敵國外患者國恒亡時濤為吏部尚書濤昔

在魏晉之間與嵇康阮籍籍兄子咸向秀王戎



劉伶相友號竹林七賢皆崇尚老莊虛無之學  
輕蔑禮法縱酒昏酣遺落世事士大夫皆慕效  
之謂之放達惟濤仍留意世事至是典選甄拔  
人物各為題目而奏之時人稱之為山公啓事  
向音餉蔑音滅甄音堅又音珍○老莊老子莊  
周也典主也吏部主銓選也甄分別也拔舉也  
啓事啓奏之事也○晉大舉伐吳杜預出江陵王濤下

巴蜀吳人於江磧要害處並以鐵鎖橫江截之

又作鐵錐長丈餘暗置江中逆拒舟艦

磧音赤  
有水渚  
有石處

著筏而去又作大炬灌以麻油遇鎖燒之須臾

著筏而去又作大炬灌以麻油遇鎖燒之須臾



融液斷絕於是船無所礙遂先克上流諸郡音筏

伐著直略反礙五漑反○筏以預遣人率奇兵

夜渡吳將懼曰北來諸軍乃飛渡江也預分兵

與濬合攻武昌降之預謂兵威已振譬如破竹

數節之後迎刃而解無復著手處也遂指授羣

帥方略徑造建業張悌率眾迎戰大敗遂為晉

兵所殺造為皆去聲濬戎卒八萬方舟百里舉帆直

指建業鼓譟入石頭城吳主面縛輿櫬降封歸

命侯遂符庚子青蓋入洛之讖櫬初近反○舟

謂縛手於後惟見其面也櫬吳自大帝至是四

棺也謂縛手於後惟見其面也櫬



世稱帝者凡五十九年而亡遡孫策定江東以

來通八十餘年

遡音素  
數也

史斷曰吳自孫堅始舉兵於江東破張角誅  
區星勇鷙剛果當時鮮及觀其導溫戮卓不  
許和親汎掃陵寢平塞發掘可謂壯矣其後  
為善不終受素術所使以擊劉表卒斃於矢  
下不死於勤王而死於助桀惜哉孫策以童  
子一旅之衆揮馬箠以下江東耆儒宿將狼  
狽失據開地千里真奇才也然輕躁好殺卒  
殞其身孫權席父兄之烈師友忠賢以成前



志赤壁之役決志定策以摧大敵非明而有  
勇能若是乎奄有荆楊薄於南海傳於累世  
宜矣惜乎見義不明守節不謹今年臣于操  
明年降于魏今年受操之命領荊州明年受  
魏之封為吳王不能討賊而甘心助賊不能  
仗義而甘心不義其得保一隅幸也孫亮以  
童孺之資乏賢哲之輔輕淺果銳為謀太踈  
其督位不終理所必然休以宿愛舊恩任用  
興布不能拔進賢才改絃易轍雖尚辭好學  
何裨亂亡孫皓天性凶頑肆行殘虐忠諫者



誅讒諛者進公卿大臣頸血相濺虐用其民  
窮奢溢侈欲求不亡得乎迹吳之為國自據  
一方既無存漢之心又無吞魏之謀上不係  
於漢祚之存亡下無關於曹魏之強弱尚奚  
論焉君子謂曹氏為漢賊不知孫氏真漢賊  
耳先主孔明正做得好時又為其壞了嗚呼  
其知言乎

晉代魏十有六年至太康元年而滅吳又十年  
帝崩帝初即位嘗焚雉頭裘於太極殿前以示  
儉雉頭裘蓋以雉頭毛為之既而侈縱後宮數千常乘羊車



宮人插竹葉于門灑鹽以待之羊車所至即留

酣宴引拂竹灑鹽欲以與羣臣語未嘗有經國遠

謀自吳既平謂天下無事盡去州郡武備山濤

獨憂之去上聲漢魏以來羌胡鮮卑降者多處塞

內諸郡郭欽嘗上疏謂空及平吳之威漸徙內

郡雜胡於邊地峻四夷出入之防明先王荒服

之制帝不聽卒為天下患降音抗處上聲○峻嚴也帝在位

改元者三曰泰始咸寧太康太子立是為孝惠

皇帝

史斷曰司馬氏經營大業把握政權已逾數



世至武帝得國又能平吳以一天下曾不數  
年紀綱板蕩宗廟丘墟其故何哉蓋自古有  
天下之君未有無功德於民而能享國長久  
者司馬懿以陰賊狡險禍人之國而昭師又  
以廢弑不道取人之國武帝承平又無遠略  
荒耽酒色保養奸回風俗尚浮虛士夫賊名  
檢庶耻道喪賄賂公行罪積數世而功德不  
及於民欲保邦而長世得乎

**孝惠皇帝**名衷性不慧為太子時納妃賈氏充  
之女也多權詐衛瓘嘗侍武帝陽醉跪于前以



手撫床曰此座可惜武帝悟密封尚書疑事令

太子決之賈氏大懼召外人具草直對令太子

自寫武帝悅得不廢至是即位

璿音貫陽與佯同詐也草藁也

賈氏為皇后預政皇太后楊氏乃帝母楊后之

從妹父駿為太傅賈后殺駿而廢殺太后殺太

宰汝南王亮殺太保衛瓘殺楚主瑋

從去聲下同叔伯女

瑋

從妹音偉

以衆望用張華裴頠王戎管機要

頠五罪牛

反

二

華盡忠帝室后雖凶險猶知敬重與頠同

心輔政數年之間雖暗主在上而朝野安靜戎

與時浮沈無所匡救性復貪吝田園遍天下執



牙籌晝夜會計家有好事恐人得其種常鑽其

核凡所賞拔專事虛名

會音檜種上聲○牙籌象牙筭子也會計較量

也賞拔稱阮咸之子瞻見戎戎問曰聖人貴名

教老莊明自然其旨異同瞻曰將無同戎嗟歎

良久遂辟之時踰三語掾

辟音璧○陳氏曰名教謂禮義躬行自然

謂清虛無為因將無同三語而得為掾故曰三語掾也

是時王衍為尚書

樂廣為河南尹皆善清談衍神情明秀少時山

濤見之曰何物老嫗生此寧馨兒然誤天下蒼

生者未必非此人也

少去聲寧音倭○寧馨猶言如此也

衍弟澄

及阮咸咸從子脩胡毋輔之謝鯤畢卓等皆以



任放為達醉裸不以為非從去聲母音無裸魯

名也任放任繳放比舍郎釀熟卓夜至甕尾間盜

飲為守者所縛旦視之畢吏部也樂廣聞而笑

之曰名教中自有樂地何必乃爾比為皆去聲

洛○禮地官五家為比初魏時何晏等立論以

天地萬物皆以無為本衍等愛重之裴顧著崇

有論不能救論去聲○太子適非賈后所生后廢

殺之征西大將軍趙王倫矯詔勒兵入宮廢后

殺之殺張華裴顧倫為相國通音聿○倫淮南

王允率兵討倫不克而死允武帝子也倫殺衛尉石



崇崇有愛妾綠珠倫嬖人孫秀求之不與秀誣

崇奉允為亂收之崇曰奴輩利吾財耳遂被殺

綠珠愛妾名也倫自加九錫逼帝禪位黨與皆為卿相

奴卒亦加爵位每朝會貂蟬滿座時人語曰貂

不足狗尾續貂音凋○貂蟬冠名貂鼠內勁外溫蟬居高飲潔因物取義以為飾

冠也齊王冏鎮許昌成都王穎鎮鄴河間王顥鎮

關中各舉兵討倫倫伏誅○冏具永反顥魚容反

帝孫也穎武帝子也顥未詳所出冏輔政驕奢擅權顥使長沙

王又殺之又音刈武帝子也穎亦恃功驕奢已而與顥

舉兵反又奉帝及穎戰穎將陸機戰敗被收歎



曰華亭鶴唳可復聞乎與弟雲皆為頴所殺復扶

又反為去聲○陳氏曰華亭縣名屬松江機所封邑也機雲皆陸抗子也頴進兵入

京師為丞相已而還鄴頡表頴為皇太弟東海

王越奉帝征頴頴遣兵拒戰于蕩陰乘輿敗績

侍中嵇紹以身衛帝被殺血濺帝衣頴奉帝入

鄴左右欲浣帝衣帝曰嵇侍中血勿浣也乘去聲○

蕩陰縣名屬彰德浣濯也頴奉帝還洛頡將張方在洛遷帝

於長安頡廢太弟頴更立豫章王熾為太弟更音

庚東海王越發兵西入長安奉帝還洛以越輔

政越為太傅頴先據洛陽已而奔長安又自武



關奔新野遂北濟河收故將士為頓丘太守所

執時范陽王虓鎮鄴送穎於虓未幾被殺

虓虛交反

為去聲○新野縣名屬鄧州頓丘郡名屬河東今閭州是也太守謂馬嵩

○慕容廆

徙居大棘城廆自武帝時已為寇既而降以為

鮮卑都督廆生皝自遼東徙居徙河至是徙大

棘城其部愈盛

廆音隈皝音悅大棘城在遼東

○索頭分其

國為三部

索頭鮮卑別種也其先索頭拓跋

氏有質子在晉武帝遣歸既而拓跋力微又遣

其子八貢力微死子悉祿官立至是分為三部

一居上谷之北祿官自統之一居代郡參合陂

一居上谷之北祿官自統之一居代郡參合陂



之北使兄子猗也統之一居定襄之盛樂故城

使猗也弟猗盧統之晉人附者稍衆猗也渡漠

北巡西略諸國降附者三十餘國拓跋氏之盛

始此拓音托跋蒲末反質音至樂音洛○參○  
合陂地名在朔州定襄縣名在并州

巴氏李雄自稱成都王巴即巴西部屬順元今順慶府是也氏西南夷

名初雄父特以流民入蜀旬月衆二萬據廣漢

進攻成都為刺史羅尚所敗斬之弟流代領其

衆流死雄代之攻走羅尚遂入成都稱王為去聲○

廣漢郡名屬西○匈奴劉淵自稱漢王淵故南

匈奴之後匈奴由漢魏以來臣中國其先世自



以漢甥冒漢姓姊妹之甥父豹為左部帥生淵幼

而雋異博習經史嘗曰吾耻隨陸無武遇高帝

而不能建封侯之業絳灌無文遇文帝而不能

與庠序之教豈不惜哉於是兼學武事雋與後

謂隨何陸謂陸賈絳謂周勃灌謂灌嬰庠序皆學名殷曰庠周曰序姿貌魁偉初

為侍子在洛豹死武帝以淵代為五部帥既而

為北部都尉五部豪傑多歸之又帝世以為五

部大都督成都王穎表為左賢王嘗使將兵在

鄴表謂上表薦淵淵子聰亦驍勇絕人博涉經

史善屬文彎弓三百斤驍音澆武也屬淵從祖



宣曰漢亡以來我單于徒有虛號無復尺土自  
餘王侯降同編戶今吾衆雖衰猶二萬奈何歛  
手受役奄過百年司馬氏骨肉相殘四海鼎沸  
左賢王英武超世復呼韓邪之業此其時也從聲○伯叔祖曰從祖編戶謂編次民籍也奄忽也鼎沸謂亂也乃相與推之淵

說頴請歸帥五部來助既至左國城宣等推為

大單于二旬間衆五萬都離石胡晉歸之者愈

衆乃建國號曰漢稱漢王

縣音稅○離石

淵有

族子曜生而眉白目有赤光幼聰慧有膽量亦

好讀書屬文射能洞鐵七寸至是為淵將

量好皆去



聲○瞻量瞻志  
度量也洞貫也

夷狄亂華之禍皆萌蘖於漢魏

晉間至是乘中國大亂始四起

蘖五割反○物  
直出曰萌旁出

曰○帝中毒崩

聲中去

帝昏恣天下大饑帝曰何

不食肉糜

糜音眉  
粥也

華林園聞蛙鳴帝曰彼鳴者

為官乎為私乎左右戲之曰在官地者為官在

私地者為私

華林園在洛陽○為去聲

方賈后專政時人知

將亂索靖指洛陽宮門銅駝歎曰會見汝在荆

棘中耳

索蘇各反姓也汝指銅駝銅駝

趙王倫亂後諸

王迭相殘滅天下大亂雜胡四起

雜胡謂劉李  
慕容拓跋等

氏帝食麵而崩或曰東海王越鵠之也

麵音面  
麥餅也



在位十七年改元者七曰永熙元永康永寧  
太安永興光熙太弟立是為孝懷皇帝

謚法慈仁哲行

懷曰

史斷曰惠帝昏愚不辨菽麥權在羣下政出  
多門忠賢路絕讒諛得志交相互市皇帝太  
子四廢五復莫能詰問東奔西逸受制他人  
莫適為主上不保母后次不保妻子終不保  
其身食餅中毒弗知禍端議者謂足以報曹  
氏受制於司馬懿者焉

**孝懷皇帝**名熾當惠帝之十五年武帝子二十



五人兄弟相屠之餘存者三人而已熾其一也

素好學故立為太弟至是即位熾三人謂熾也○成

都王李雄稱帝國號成○漢主劉淵稱帝徙都

平陽遣其子聰及石勒等攻晉內郡以至洛陽

內郡謂徐豫充勒武鄉羯人也先是嘗至洛陽

倚上東門長嘯王衍識其有異後為寇已而從

漢羯音結○武鄉在○漢主淵卒太子和立其

弟聰弒而代之○太傅東海王越遣兵入宿衛

仍遣使以羽檄徵天下兵入援越自帥兵討石

勒卒于項勒兵敗越軍執太尉王衍等衍自言



少無官情不豫世事勒曰吾行天下多矣未嘗  
見此輩人尚可存乎或曰彼皆晉之王公終不  
為吾用勒曰雖然要不可加以鋒刃夜使人排  
墻殺之援音院○檄以尺二木板為之急則  
插鳥羽於上言其疾也項縣名屬陳州  
排猶推也言推倒也○漢主聰遣呼延晏將兵寇  
洛陽劉曜王彌石勒皆會遂陷洛陽執帝送平  
陽尋被弑在位六年改元者一曰永嘉秦王立  
於長安是為孝愍皇帝

史斷曰懷帝天質清邵過惡不彰而為胡漢  
所擒俾著青衣侍宴行酒識者謂足以報齊



王奪璽之忿焉

孝愍皇帝名業吳王晏之子武帝孫也封秦王  
洛陽既陷荀藩奉王趨武昌時年十二已而索  
綝迎入雍州刺史賈疋等奉為皇太子建行臺  
盜殺疋麴允領雍州懷帝凶問至王乃即位於

長安

姓綝音琛雍去聲疋音雅麴音曲○索綝臣  
姓名雍州九州之一即京兆也凶問計音

也

○石勒遣石虎攻陷鄴而據之

虎勒從子也

○漢

屢寇長安麴允索綝屢敗之未幾漢兵連陷諸  
郡逼長安先陷外城允綝退守小城內外斷絕  
城中饑甚帝出降送平陽聰享羣臣命帝著青



衣行酒洗爵又使執蓋後遇害在位四年改元者一曰建興西晉自武帝至是凡四世五十二年琅邪王立於建業是為中宗孝元皇帝著音史斷曰愍帝僅得虛名服廩不給荐被圍辱輿櫬出降蒲伏虜庭洗爵執蓋識者謂足以報高貴鄉公墮車之痛焉

胡氏曰司馬炎篡魏以有天下然以創業垂統之君於風俗之衰恬不介意蓋自竹林七賢之徒以老莊虛無之教滅魏炎所知也使其平吳之後正風俗崇儒雅尚可匡救奈何



付託既非其人而王戎王衍輩崇尚清談遺  
落世事卒至八王構禍而骨肉相殘二帝遠  
狩而冠履倒置是誰之過歟吁老莊之學禍  
人國家如此後世人主可不戒哉



古今歷代標題註釋十九史略通攷卷之三







